

**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**OPĆINA GRAČANICA**  
**GRADSKO VIJEĆE**

**Broj predmeta:** 01-05-04183-2019  
**Broj akta:** 01EN-001  
Gračanica, 31.10.2019.. godine

**Z A P I S N I K**  
**SA 5. SJEDNICE GRADSKOG VIJEĆA GRADA GRAČANICA**

Održane dana 30.09.2019.godine u Sali za sjednice nove zgrade Grada Gračanica sa početkom u 12,00 sati.

Sjednici je prisustvovalo 27 članova Vijeća.

Odsutni su bili: Mujić Alen, Hadžić Mirsad i Dizdarević Kemal.

Pored članova Gradskog vijeća sjednici su prisustvovali: Gradonačelnik Nusret Helić, Gradski pravobranilac Imširović Jasminka, šefovi službi za upravu, Federalni poslanik Čamdžić Mirsad, član Etičke komisije Jogunčić Mersiha, te predstavnici sredstava informisanja.

Sjednicu je otvorio i istom predsjedavao Krajinović Nihad, predsjedavajući Gradskog vijeća Gračanica, zajedno sa zamjenikom Devedžić Almedinom i sekretarom Tukulj Dženanom.

Zapisnik vodio Iljazović Hazim, a vršilo se i tonsko snimanje sjednice.

**Prigovor na zapisnik, Džebo Senahid:**

„Mi smo na jednoj sjednici Općinskog vijeća, ne Gradsko vijeća, imali kada se pojedinačno izjašnjava da se uvede imenom i prezimenom kako je ko glasao i na koji način. Mi ponovo ovdje u zapisniku imamo i ne vidim svrhu više pojedinačnog izjašnjavanja i ukoliko odluku donesemo i na kraju konstatujemo u zapisniku da je donešena sa 26 „ZA“ i 4 „SUZDRŽANA“. Ako se barem nije moglo navesti tko je bio suzdržan, tako da je ovo stav Kluba SDA. Radilo je se znači o Odluci za naknadu predsjednicima vijeća MZ, da samo malo pojasnim oko toga. I evo tražit ćemo da u zapisnik uđe imenom i prezimenom kako je se ko izjasnio.“

Zapisnik sa 4. Sjednice Gradskog vijeća Gračanica usvojen je jednoglasno uz usvojenju primjedbu Džebo Senahida.

**Krajinović Nihad Predsjedavajući Gradskog vijeća je elaborirao prispjele odgovore na vijećnička pitanja i inicijative:**

Na 04. sjednici Gradskog vijeća Gračanica upućeno je 5 pitanja i 12 inicijativa.

Pristigli odgovori su slijedeći :

- Vijećnica **Nejra Hadžić** inicirala je obilježavanje parking prostora u krugu zdravstvenih ustanova u Gračanici. U odgovoru je navedeno da su poduzete aktivnosti na rješavanju spornog problema.
- Vijećnik **Osman Sulejmanović** uputio je inicijativu za pokretanje postupka izrade Urbanističkog plana izletišta Vis. Iz nadležne službe odgovaraju kako ovaj postupak proizilazi iz Odluke o provođenju Prostornog plana općine Gračanica, te kako se ima namjera osigurati i sredstva u budžetu za narednu godinu kako bi plan bio urađen.
- **Demir Milkić** pokrenuo je inicijativu za izgradnju projektne dokumentacije u cilju rješavanja vodosnabdjevanja građana Lendića pitkom vodom. Iz JP „Vodovod i kanalizacija“ odgovaraju nizom aktivnosti na rješavanju ovog i sličnih problema, a konkretno za Lendiće kako se vrši detaljno snimanje terena koje će poslužiti za izradu Glavnog projekta za Lendiće.
- **Saša Operhal** inicijativom u ime stanovnika naselja Lipa zatražio je postavljanje javne rasvjete u ulici od raskrsnice ulice Patriotska liga do raskršća za naselje Drijenča. Iz nadležne službe odgovaraju kako će se u narednom periodu osvijeteliti pomenuta ulica.
- Vijećnik **Mirza Džananović** uputio je pitanje kada će se realizovati ranije podnesena inicijativa postavljanja vertikalno-horizontalne signalizacije u blizini škole u MZ Pribava. Također iz nadležne službe odgovaraju kako se stvorila mogućnost za realizaciju ove inicijative u skorije vrijeme.
- Vijećnik **Alen Ibrišević** inicirao je uređenje zelenih površina uz putni pojas dionice magistralne ceste na glavnom ulazu u Gračanicu, te izradi adresnog registra Grada Gračanica.
- Za prvu inicijativu iz JP „Komus“ su odgovorili kako su spremni urediti ovu lokaciju iako je ona u nadležnosti JP „Ceste FBiH“. Na drugu inicijativu odgovorili su iz nadležne gradske službe kako se već pristupilo izradi adresnog registra potpisivanjem sporazuma sa Federalnom geodetskom upravom te kako je u junu ove godine i resorno kantonalno ministarstvo pokrenulo aktivnosti na izradi registra za općine i gradove TK i kako se očekuje pokretanje ovog projekta.
- Vijećnik **Edin Šehić** upitao je šta se uradilo i planira uraditi po pitanju rješenja pristupa Starom gradu Soko. Isti je inicirao aktivnosti na zabrani prosjačenja u gradu i kupovini objekta na izletištu Vis. Na sve

navedeno pristigli su slijedeći odgovori : uz niz ranije vođenih aktivnosti teško je još uvijek naći pravo rješenje pristupa Gradini Soko. Kada je u pitanju prosjačenje, Centar za socijalni rad u Gračanici kontinuirano radi na ovom problemu a posljednjom akcijom koja je i započela u međuvremenu vidljivi su rezultati. Što se tiče kupovine objekta na Visu, pri kraju su aktivnosti na formiranju Turističke zajednice i skore izrade projekta urbanističkog rješenja Vis čime će se stvoriti pretpostavke za kvalitetnije rješenje ovog izletišta, dok kupovina objekta za sada nije realna.

- Vijećnik **Vahid Bajrić** inicirao je obezbjeđenje finansijskih sredstava za sanaciju kanalizacije u Donjoj Orahovici. U odgovoru nadležne službe navodi se način rješavanja ovog problema.
- **Džemal Jukan** pokrenuo je inicijativu za nastavak uređenja korita rijeke Sokoluše kod tehničkog „Lido“. Pokrenuta je procedura javne nabavke za realizaciju ovog projekta koji bi se trebao okončati do kraja godine, stoji u odgovoru nadležne službe.
- **Nihad Krajinović** u ime građana koji su se pismeno obratili inicirao je uređenje putne komunikacije u naselju Bijela polja te pojačan nadzor i osiguranje bezbjednosti građana u naselju Podgaj a pro po okupljanja NN lica i njihovog nedoličnog ponašanja u krugu napuštenog doma Gaj. Na prvu inicijativu iz gradske uprave navode kako se ovom problemu pristupa i kako će se projekat izgradnje asfaltnog puta provoditi fazno, dok su se povodom druge inicijative oglasili iz Policijske uprave Gračanica sa informacijom da je pojačan nadzor ove lokacije u cilju sprečavanja narušavanja javnog reda i mira.
- Na ostala pitanja i inicijative sa 4. sjednice Gradskog vijeća do ovog trenutka odgovori nisu pristigli, ali moram napomenuti kako je stigla Informacija iz Elektroprivrede BiH na zaključak Gradskog vijeća u cilju obezbjeđenja odgovarajuće količine električne energije za privredne zone Gračanica. U informaciji stoji kako su blizu pripreme aktivnosti za izgradnju dva vrlo važna elektroenergetska projekta čime će se osigurati traženo.

### **Nova pitanja i inicijative postavili su vijećnici:**

#### **Fadil Mešić:**

“U naselju Lendići, nadomak Malešića, nalazi se dionica puta koja je u veoma lošem stanju, svakodnevno stvara zastoje i ugrožava bezbjednost velikog broja učesnika u saobraćaju. Tačnije, to je dio puta koji prolazi pored firme kamenolom “Gramat” i koji je jako

bitan jer je glavni u povezivanju naselja Malešića i grada Gračanice. Za mještane naselja Malešići, čiji broj stanovnika iznosi preko 3000, sanacija navedenog dijela puta bila bi od velikog značaja. U svakodnevnoj je upotrebi jer alternativni putevi za ovo selo predstavljaju veliku obilaznicu i takođe su u lošem stanju. Tako da možemo reći da neka alternativa u ovom slučaju i ne postoji. Dakle, da bi se saobraćaj u ovom dijelu puta odvijao sigurno i nesmetano smatram da ovu inicijativu treba usvojiti i u što kraćem roku realizovati”.

### **Vahidin Smajlović:**

“Pitanje je upućeno Službi za prostorno uređenje Grada Gračanice, Službi za inspeksijske poslove Grada Gračanica i JP “Komus” Gračanica. Pitanje se odnosi na preduzimanje mjera za uništavanje ambrozije a glasi: da li su u toku godine preduzete bilo kakve aktivnosti na suzbijanju rasta i uništavanja korova ambrozije i kakve su nadležnosti i odgovornosti za uništavanje ovog korova na javnim površinama, ali i na privatnim parcelama.

Obrazloženje:

Ambrozija se smatra najvećim neprijateljem osoba koje boluju od alergijskih oboljenja jer je njen pollen najjači allergen koji izaziva brojne komplikacije u organizmu čovjeka. Na području BiH ambrozija je široko rasprostranjena i naša zemlja je sa susjednim zemljama centar širenja ove biljke u Evropi.

Raste uz puteve, duž vodotoka, željezničke pruge, nasipe, na neobrađenim poljoprivrednim zemljištima, zapuštenim vrtovima i gradilištima. Međunarodno društvo za borbu protiv ambrozije procjenjuje da će klimatske promjene i disperzija sjemena ambrozije dodatno povećati koncentraciju polena ambrozije u zraku četiri puta do 2050. godine”.

Na osnovu Odluke Vlade F BiH, OV Gračanica je 2012. godine donijelo Odluku o mjerama za uništavanje i sprečavanje širenja korova ambrozije. Evidentno je da se ova odluka ne sprovodi obzirom da je ambrozije na području grada Gračanica sve više i sve se manje uništava. Upravo zbog toga, nekoliko naših građana mi se obratilo sa zahtjevom da iniciram ovo pitanje i da se pokrenu potrebne aktivnosti na uništavanju ovog korova.

Nažalost ambrozija je već u punoj cvatnji i prilično smo zakasnili sa njenim uništavanjem ove godine, ali možemo preduzeti neke radnje kao što su: upoznavanje građana putem Radio Gračanice o obavezi uništavanja ovog korova, organizovati radio emisije o štetnosti ambrozije i njenom širenju, pojačati kontrolu inspeksijskih službi i naravno za iduću godinu na vrijeme preduzeti sve potrebne radnje u cilju suzbijanja ambrozije prije cvatnje”.

### **Sulejmanović Osman:**

“Inicijativa upućena je Gradonačelniku, obzirom da se približava vrijeme kreiranja novog Budžeta grada Gračanice za 2020. godinu predlažem Gradonačelniku da u isti uvrsti sredstva za potpuno dovršenje sportske dvorane na Bazenu.

Ja znam da bi finansiranje ovog projekta trebalo da ide sa nivoa Kantona i Federacije ali evo već duži period to se ne dešava i dvorana stoji ne dovršena.

Zato poziva, Gradonačelnika da u kontaktima sa višim nivoima vlasti pokuša obezbijediti potrebna sredstva ili u protivnom razmotri mogućnost kreditnog zaduženja Grada da bi se sportska dvorana konačno dovršila i predala na upotrebu”.

### **Demir Milkić:**

“Pokrećem inicijativu za izmjenu Odluke o javnoj rasvjeti.

Obrazloženje:

Na području mjesnih zajednica grada Gračanice javna rasvjeta se pali prvim sumrakom a gasi se svanućem.

Predlažem da se takav režim uvede i na području grada tj. da javna rasvjeta gori cijelu noć bez gašenja.

To zahtijeva izmjenu Odluke i izdvajanje dodatnih sredstava.

Stoga inicijativu upućujem jer blizu je nacrt budžeta, kako bi nadležne službe planirale dodatnih cirka 80 hiljada, a onda izmijenili postojeću Odluku o režimu upravljanja, te od 01.01.2020.godine omogućili građanima u gradskoj sredini da imaju rasvjetu cijelu noć na raspolaganju”.

### **Edin Ibrišević:**

“Vijećnička inicijativa:

Inicijativu upućujem Policijskoj stanici Gračanica da poveća prisustvo policijskih službenika u dvorištu Srednje mješovite škole i Gimnazije u Gračanici.

Obrazloženje:

Kao član Vijeća roditelja srednje mješovite škole u Gračanici prisustvovao sam sastanku Vijeća roditelja i menadžmenta škole gdje smo donijeli zaključak da je neophodno u dvorištu i neposrednoj blizini škole povećati opštu bezbjednost učenika, a to vidimo na način da se poveća prisustvo policajaca.Unaprijed se zahvaljujem u svoje ime i u ime roditelja učenika srednjih škola u Gračanici.

Vijećnička inicijativa:

Inicijativu upućujem nadležnoj Gradskoj službi u kojoj se nalaze komunalni redari i JP Komus Gračanica da na lokalitetu Zečev gaj i putu prema naselju Lendići suzbiju bacanje smeća i stavljanje divljih deponija smeća.

Obrazloženje:

Ličnim uvidom šetajući na gore navedenoj lokaciji video sam divlje deponije na kojima ima raznog smeća, od otpada iz domaćinstava, do otpada animalnog porijekla, odnosno uginulih životinja ili njihovih ostataka uslijed njihove prerade.Smatram da bi česta i iznenadna posjeta komunalnih redara ovoj lokaciji doprinijela suzbijanje stvaranja divljih deponija.Takođe, apeliram na čišćenje ovog lokaliteta od strane JP Komus kao jednog od ekološki osviještenog preduzeća, koje radi u interesu lokalne zajednice, kako bi nam omogućili čistu i ekološki prihvatljivu sredinu”.

### **Adnan Muslimović:**

“Inicijativu upućujem Gradonačelniku, nadležnim službama za sanaciju puta u MZ Gornja Orahovica zaseok Ajkići.

Obrazloženje:

Još od 2014.godine nakon poplava i klizišta u MZ Gornja Orahovica u naselju Ajkići klizište je narušilo putnu komunikaciju.Jedini pristupni put prema ovom naselju odsječen je usljed većeg klizišta koje je zahvatilo put.Mještani su vlastitim sredstvima pokušali sanirati bar dio puta ali to nije dovoljno.S obzirom da u jesenjem periodu slijede obilnije padavine, što će direktno uticati da navedena putna komunikacija u potpunosti bude prekinuta, to je potrebno poduzeti hitne mjere na sanaciji klizišta i ugroženog dijela puta.U protivnom, navedeni put, kao jedini prilazni put tom naselju, postat će neprohodan, a samo naselje u potpunosti odsječeno od ostataka mjesne zajednice Gornja Orahovica i ostatka gradskog područja grada Gračanica.

Želim da sve nas i sve nadležne i na ovakav način podsjetim na nužnost što hitnije izgradnje mosta na rijeci Spreči između Miričine i Porječine.

Obrazloženje:

Kako je ovaj most srušen nužno je zajedno sa opštinom Petrovo tražiti način kako da se ponovo izgradi most.Most je od izuzetne važnosti za stanovnike.Porječine ali postoji određeni interes građana Grada Gračanica za komunikaciju preko ovog mosta.Kako se most nalazi na entitetskoj granici i ima veliku, pored upotrebne i simboličku važnost, postoji vjerovatnoća da se za gradnju pronađu međunarodni donatori.

Vijećničko pitanje:

“Vijećničko pitanje upućujem u svoje i u ime kolege dr- Saše Operhal.Kao i rezultat vijećničkog sata koji će danas biti raspravlján, dakle mi smo još u martu imali vijećnički sat pad zdravstvene zaštite na našem području i to se posebno jedno pitanje istaklo.

Pitanje upućujem upravi Opće bolnice Mustafe Beganović Gračanica:

Kakvo je stanje u našem centru za dijalizu, sa kakvom opremom raspolažu, kolika je prosječna starost i broj odrađenih sati aparata za dijalizu, te kakvi su planovi za unapređenje i nabavku nove opreme o osposobljavanju stručnog medicinskog kadra”.

### **Edin Šehić:**

“Na osnovu člana 23. i 46. Statuta Grada Gračanica, upućujem vijećničku inicijativu:  
Za izradu/sanaciju adekvatnog mosta u naselju Malta, putni pravac Malta-Javor.

U proteklom periodu iz budžeta Grada Gračanica izvršena su ulaganja preko 50.000 KM za asfaltiranje puta na putnom pravcu Malta-Javor, ali se nije radilo na kvalitetnom rješavanju prelaska preko rijeke Sokoluše, tačnije izradi mosta.Trenutni most je u veoma lošem stanju i ugrožava bezbjednost saobraćaja na ovoj dionici, čime je neophodno hitno djelovanje i sanacija ili izrada mosta, obzirom da smo uložili preko 50.000 KM novca od građana za asfaltiranje pomenute dionice, odgovorno je da opravdamo tu investiciju i riješimo kvalitetno i ovaj prelaz preko rijeke Sokoluše.

Takođe ističem da je pomenuta dionica puta, iako rađena prije 2 godine, u veoma lošem stanju (propadanje asfalta na više mjesta), što još jednom povlači za sobom pitanje odgovornosti, koliko ozbiljno ulazimo u projekte asfaltiranja puteva, bez dobre pripreme terena i kvalitetno urađenog posla.

Na osnovu člana 23. i 46. Statuta Grada Gračanica, upućujem vijećničku inicijativu:

Za uklanjanje prirodnih prepreka koje zaklanjaju državna i gradska obilježja saobraćajne znakove, table naziva ulica, kao i prepreke koje ugrožavaju saobraćaj većih prevoznih sredstava.

Obrazloženje:

Na više mjesta na području našeg Grada, uočene su prirodne prepreke, obično izrasline drveća, koje zaklanjaju državna i gradska obilježja (npr. zastave kod centralnog spomen obilježja), saobraćajne znakove (npr. na mostu kod BKC-a i slično, table naziva ulica, ali i prepreke koje ugrožavaju saobraćaj javnim putevima, posebno većih prevoznih sredstava.Obzirom da uskoro očekujemo zimu i prvi snijeg, a svjesni koliko snijeg može prouzrokovati dodatno probleme sa tim granama drveća i ugroziti saobraćaj i nepreglednost saobraćajnih znakova, tražim da se u skorije vrijeme uklone sve pomenute prepreke na cijelom području našeg grada, odnosno u svim mjesnim zajednicama.

Na osnovu člana 23. i 46. Statuta Grada Gračanica, upućujem vijećničku inicijativu:

Koliko rasvjetnih stubova broji svaka mjesna zajednica, koliki iznos se doznačava na račun svake mjesne zajednice pojedinačno i koliki je stvarni trošak javne rasvjete za prethodnih 8 mjeseci tekuće godine, kao i informacija o terminima kada javna rasvjeta radi tokom noći?

Obrazloženje:

Iako odnedavno Gračanica ima status Grada, još uvijek imamo određene redukcije po pitanju javne rasprave i to u užim jezgrima grada, dok drugi lokaliteti na području grada imaju javnu rasvjetu tokom cijele noći. s tim u vezi, tražim navedene informacije, kako bi imao kompletnu sliku razloga uvođenja redukcija samo u pojedinim dijelovima, kao i da li se dovoljno void briga da je rad javne rasvjete podjednako zastupljen na cijelom području grada, gdje je u užem jezgru grada, posebno mjestima pokrivenim video nadzorom, potrebno omogućiti kontinuiran rad javne rasvjete u noćnim satima.

Prijedlog tabele za dostavu traženih informacija po svakoj mjesnoj zajednici (uključujući i MZ Gračanica).

Red. br.	Mjesec/godina	Broj rasvjetnih tijela	Mjesečna tranša iz budžeta	Stvarni utrošak el.energije za
----------	---------------	------------------------	----------------------------	--------------------------------

		(kom)	(KM)	javnu rasvjetu (KM)

**Dino Dedić:**

“Ja imam jednu vijećničku inicijativu i ona se ponavlja, ali mislim da bih došlo do nekog napretka kako bih se mogla riješiti, pa je zato ponovo pokrećem.

Podnosim vijećničku inicijativu Gradonačelniku i nadležnim službama da se realizuje projekat instaliranja isturenog šaltera plaćanja JP BH Pošte d.o.o. u šalter sali Opštine.

Obrazloženje:

Svjesni smo problema koji imaju građani kada moraju plaćati tako se i druge stvari a to ne mogu završiti u opštini, nego moraju da idu više 500 metara do najbliže banke da uplate tako se i ponovno da se vrate u opštinu sa uplatnicom da kompletiraju zahtjev i tek tada da ga predaju. Zbog toga smatram da bi istureni šalter JP BH Pošte u opštini za te vrste uplata bio odlično rješenje koje bi građanima uštedilo vrijeme i hodanje”.

**Hasić Ibrahim:**

“Ja bih želio samo da kolegi Mešiću kažem da je malo zakasnio, s obzirom da mu ne dolazi vijećnik nikada od kako je imenovano vijeće odnosno konstruisano, da mu vijećnik nije nikada došao na Vijeće MZ, a da dolazi bio bih informisan. Žao mi je što niste upoznati, niti ste pitali nekoga ko vlada tom situacijom. Imaju predmeti urađeni i nisi ti vidjeo još pet pozicija oštećenja na tom putu, već si vidjeo samo ono glavno. Nisu Malešići sami i iduće godine se to radi. Tako da znaš da si zakasnio ali prerano je krenula ova predizborna kampanja”.

**Hasan Puškar:**

“Ponovo pokrećem inicijativu za sanaciju skretanja za Gornju Miričinu sa magistralnog puta M-4. Pomenuto skretanje je u nadležnosti Federalne direkcije za ceste i isti su odgovorili na moju prethodnu inicijativu da će izvršiti sanaciju pomenutog skretanja ali do dana današnjeg nije ništa poduzeto na terenu. Ako je iko skretao ovdje od nas prisutnih vidjeli ste da je to što se tiče sigurnosti saobraćaja uopšte nije bezbjedno. Na ivici kolovoza nalazi se neko uzvišenje gdje taktički je nemoguće skrenuti da vam auto ne zakoči, ne preskoči itd. Pošto se približava zimski period onda će stvarno biti nemoguće izvršiti bezbjedno uključenje iz Gornje Miričine na magistralni put. Zahtijevam od P.U. Gračanica i nadležnih inspeksijskih službi da poduzmu mjere iz svoje nadležnosti.

Drugo vijećničko pitanje:

“Kada je bila predhodna sjednica prije mjesec dana po gradu je vršeno obilježavanje saobraćajne signalizacije.

Međutim, pošto se non-stop krećem primjetio sam da ista nije u cjelosti završena i drugi detalj koji sam primjetio je da se već na pojedinim mjestima brišu pješački prijelazi, da nestaju itd.

Ja sad ne znam jel to vršila Direkcija kantonalna ili ko je vršio, ali stvarno je krajnje vrijeme da se počne malo gledati i na kvalitet. Znači, zahtijevam da se prema istim pošalje dopis i da izvođač radova se ponovo vrati i ponovo izvrši obilježavanje pješačkih prelaza, itd.”

**Prisutnima se obratio Krajinović Nihad, Predsjedavajući Gradskog vijeća:**

„Iscripili smo vaša pitanja i inicijative, hoće li biti odgovora?“

## **Za govornicu je izašao gradonačelnik Nusret Helić i obratio se prisutnima:**

„Da vas pozdravim i da dam neke odgovore na inicijative i pitanja i imam osjećaj da raspravljamo o nacrtu budžeta jer sve ovo što ste pitali je tema sljedećeg budžeta i nadam se da će te tada iznijeti, ali evo ja redom da ponovim. Sanacija puta klizišta prema Malešićima, došli su predmjeri i mi ćemo ući u proces raspisivanja već u ovoj godini a ako ne uspijemo nešto završiti, završit ćemo početak iduće godine. Demir, rasvijeta da gori cijelu noć, evo budžet treba nam još 150.000 KM da predvidimo u budžetu i imati ćemo rasvijetu da gori cijelu noć u gradu il gdje god to bude trebalo, dakle to je razlog što ne gori. Ajkići i sanacija puta klizišta, krenuli smo također u to i bili su predsjednici MZ i dogovorili smo, vještak je utvrdio i sanacija tog dijela puta košta 26.000 KM po predmjeru ulazimo isto u raspisivanje i procedure i nadamo se da ćemo uspjeti. Gradnju mosta Porječina, da znate evo čim je most stradao da smo zajedničkim snagama Općine Petrovo i Grada Gračanica obratili se na puno strana i između ostalih i Armiji BiH, Federalnom ministarstvu i UNDP-iu itd. Dobili smo od Armije BiH da su u mogućnosti sastaviti od ovog mosta most manje nosivosti. Prije par dana smo bili na sastanku sa predstavnicima UNDP-ia koji su ozbiljno ušli u ovaj proces, gdje su nam rekli da je šef UNDP-ia poslao ekipu i zajedno smo bili u Petrovu i da oni ozbiljno razmišljaju i traže donatora. Mi smo dali sve elemente od idejnog rješenja i svega onoga što treba od dokumentacije i nije realno prije nove godine, rekli su da će tek donatori u sljedećoj godini vjerovatno odobriti sredstva. Mi smo rekli da prihvatamo 30%, odnosno po 15% od vrijednosti mosta. Prvi predračun je negdje sa svim oko 180.000 KM. Sanacija mosta Malta-Javor, i to je dio ovoga što sam rekao, planirat ćemo u budžetu na račun nekih drugih stavki ako utvrdimo da je prioritet. Obraćali su se nama i građani ali nismo imali ovu stavku u budžetu. Građani za ovu dionicu od mosta do Javora nisu dali ni dinara, našli smo naša sredstva, našli smo donatore. Evo to je ono na što sam ja želio da dam odgovore i da obrazložim a na sve ostalo će te dobiti pismenim putem.“

### **Krajinović Nihad:**

Nakon ovog dijela sjednice preći ćemo na dnevni red koji je utvrdio Kolegij Vijeća, a dnevni red glasi:

- 1. RAZMATRANJE I USVAJANJE ODLUKE O KUPOVINI UDJELA U JP “VODOVOD I KANALIZACIJA” D.O.O. GRAČANICA**
- 2. RAZMATRANJE I USVAJANJE ODLUKE O PRODAJI NEKRETNINA**
- 3. RAZMATRANJE I DAVANJE SAGLASNOSTI NA ODLUKU O NAČINU OBRAČUNA I VISINI CIJENE USLUGE SAKUPLJANJA I ODVOZA KUĆNOG OTPADA JP “KOMUS” D.O.O. GRAČANICA**
- 4. DONOŠENJE RJEŠENJA O RAZRJEŠENJU PRIVREMENO IMENOVANOG ČLANA UPRAVNOG ODBORA U JZU “GRADSKA APOTEKA” GRAČANICA (Materijal dostavljen na 4. sjednici GV)**
- 5. DONOŠENJE RJEŠENJA O IMENOVANJU ČLANA UPRAVNOG ODBORA U JZU “GRADSKA APOTEKA” GRAČANICA IZ REDA MINISTARSTVA ZDRAVSTVA TK (Materijal dostavljen na 4. sjednici GV)**



6. RAZMATRANJE I USVAJANJE IZVJEŠTAJA O REALIZACIJI PROJEKATA LOKALNOG AKCIONOG PLANA ZAŠTITE ŽIVOTNE SREDINE GRADA GRAČANICE (LEAP) ZA 2018.GODINU
7. RAZMATRANJE I USVAJANJE IZVJEŠTAJA O PRIMJENI ZAKONA O USLOVIMA I POSTUPKU LEGALIZACIJE BESPRAVNO IZGRAĐENIH GRAĐEVINA
8. RAZMATRANJE I USVAJANJE IZVJEŠTAJA O RADU GRADSKOG VIJEĆA GRAČANICA I RADNIH TIJELA (KOMISIJE) OD 01. 01. 2019. – 30. 06. 2019. GODINE
9. RAZMATRANJE I USVAJANJE IZVJEŠTAJA O KOMUNIKACIJI VIJEĆNIKA I GRAĐANA PUTEM “GRADANSKOG SATA”
10. RAZMATRANJE INFORMACIJE O STARIM I IZNEMOGLIM LICIMA U STANJU SOCIJALNE POTREBE NA PODRUČJU GRADA GRAČANICA.

Jednoglasno je utvrđen dnevni red i prešlo se na rad po dnevnom redu.

#### **TAČKA 1**

#### **RAZMATRANJE I USVAJANJE ODLUKE O KUPOVINI UDJELA U JP „VODOVOD I KANALIZACIJA“ D.O.O. GRAČANICA**

#### **Nusret Helić, Gradonačelnik Grada Gračanica:**

„Pred vama je Odluka o kupovini udjela u Javnom preduzeću „Vodovod i kanalizacija“.

Da podsjetim da je „Vodovod i kanalizacija“ po prijedlogu Agencije za privatizaciju TK i Odluci Vlade Kantona bio u 100 % vlasništvu Općine Gračanica. Nakon žalbe od strane dioničara i sudskog postupka struktura vlasništva u JP „Vodovod i kanalizacija“ se promijenila, tako da je u sudski registar upisano: 50,41487 % privatnog kapitala i 49,68813 državnog kapitala. U međuvremenu su donešene i Odluke o iskknjižavanju javnih dobara.

Javno preduzeće obavlja komunalnu djelatnost u smislu Zakona o komunalnim djelatnostima, a isti Zakon je regulisao nadležnost grada za obavljanje komunalnih djelatnosti i odgovorni su za to.

Iako je do sada dobro funkcionisalo preduzeće, jer smo u upravljačkim strukturama imali većinu, postavlja se pitanje da li grad i dalje može kvalitetno i efikasno obezbijediti obavljanje djelatnosti snabdijevanje pitkom vodom putem javnog preduzeća, sa mješovitom vlasničkom strukturom u kome je većinski privatni kapital.

To je ovo Vijeće zaključilo, ako se dobro sjećam kada je na dnevnom redu bio Izvještaj o radu ovog preduzeća. Tada je dato ovlaštenje a i bila je inicijativa vijećnika Džemala Jukana, da Gradonačelnik pokrene aktivnosti na otkupu udjela, kako bi grad postao većinski vlasnik.

I evo nas ulazimo u realizaciju tog zadatka. Poslije niza razgovora sa vlasnicima udjela neki su se odlučili ponuditi svoje udjele za prodaju po proceduri koja je utvrđena Zakonom o privrednim društvima. Članovi društva a i grad je član, imaju pravo preče kupnje. Zbog toga je potrebno brzo reagovati i ovlastiti Gradonačelnika da vrši sve pravne radnje u cilju otkupa udjela, te da grad Gračanica u dogledno vrijeme postane i potpuni jedini vlasnik komunalnog preduzeća.

Prije kupnje se vrši procjena ekonomske vrijednosti udjela koji u skladu sa Uredbom vrši ovlašteni procjenitelj. Na taj način bi bila utvrđena vrijednost-cijena udjela iznad kojeg se nebi smjela vršiti kupovina.

Ako se danas da zeleno svjetlo i usvoji ova Odluka, već u ovoj sedmici se zaključuje Ugovor sa prvim ponuđačem čija je vrijednost udjela 1,25823 % čime grad postaje većinski vlasnik. Nakon toga nastavljamo postupak kupovine.Srazmjerno sredstvima i srazmjerno načinu na koji ćemo uspjeti s njima dogovoriti.Imamo već ponuda za možda još 10 %. Tako da bih praktično u dogledno vrijeme i ja mislim da će to brzo ići, mogli postati vlasnici komunalnog preduzeća koji je posebno od značaja za našu zajednicu.

Predlažem da usvojite Odluku i krenemo u realizaciju zaključka.Ako hoćete ovog prvog da već sutra krenemo sa sklapanjem ugovora, a vrijednost udjela je negdje oko 6.000 KM“.

### **U ime Komisije za propise i statut prisutnima se obratio Predsjednik Komisije Hasan Puškar:**

„Komisija za propise i statut, izbor i imenovanje gradskih priznanja i obilježavanje značajnih događaja i ličnosti održala je sjednicu dana 27.09.2019.godine i donijela sljedeće stavove.Predložena Odluka je u skladu sa statutom i zakonom,međutim,Komisija predlaže da uz ovu Odluku Gradskog vijeća donese se sljedeći zaključak.Da Gradonačelnik odmah pristupi kupovini udjela Imamović Fikreta u iznosu od 1,258% po ponuđenoj cijeni od 6.000 KM.Obzirom da ponuda ističe 01.10.2019.godine a kupovinom udjela Grad Gračanica bih stekao većinsko vlasništvo u pomenutom društvu.“

Učesnici u diskusiji:

### **Muhamed Omerović:**

„U ime Kluba Naša stranka DF smatramo da ovoj Odluci nedostaju neke bitne informacije a na neke je već Gradonačelnik dao odgovor u uvodnom dijelu, ali evo ja bih još neke spomenuo pa ako ima želju i danas da odgovori ako hoće.Nepoznati su iznosi nominalne vrijednosti udjela.Koliko dioničara je ponudilo prodaju i ako se procjenitelj treba da angažuje da bih procijenio vrijednost već je upitan taj vremenski dio gdje on nema vremena da procijeni udjel.Koji su izvori prihoda za kupovinu ovog udjela i šta se na kraju može desiti ako se ne kupi ni jedan dio u smislu kvaliteta snabdjevanja građana s vodom.“

### **Edin Šehić:**

„Evo ja bih svoju diskusiju po ovoj tački dnevnog reda krenuo sa izvršavanjem člana 12. zakonu o vodama s obzirom da mi evo u par navrata razgovaramo o sistemu vodosnadbjevanjem na području Grada i MZ i dosta stvari nam se tu nije posložilo i trebamo dosta još da radimo.Za svoj stav i nekakav prijedlog iščitat ću samo pet stavova ovog člana.Dakle članom 12.zakonom o vodama TK ,službene novine TK 11/18 ,šta se smatra pod Gradskim,općinskim i mjesnim vodovodima.

Stav (1) Vodni objekti iz člana 10. stav (1) tačka a) za vodosnabdjevanje potrošača na području jednog grada ili općine su u vlasništvu grada, odnosno općine.

Stav (2) Vodne objekte iz stava (1) ovog člana za vodosnabdjevanje potrošača u gradskim centrima (u daljem tekstu: gradski vodovodi) ili općinskim centrima (u daljem tekstu: općinski vodovodi) grad, odnosno općina svojom odlukom povjerava na upravljanje i korištenje pravnom licu u skladu sa propisima o komunalnoj djelatnosti.Dakle povjerava na upravljanje pravnom licu,podvlačim.

Stav (3) Vodne objekte iz stava (1) ovog člana za snabdjevanje vodom za piće naselja izvan gradskih, odnosno općinskih centara (u daljem tekstu: mjesni vodovodi), grad ili općina

svojom odlukom povjerava na upravljanje i korištenje pravnom licu u skladu sa propisima o komunalnoj djelatnosti. Ponovo podvlačim povjerava pravnom licu.

Stav(4) Izuzetno od stava (3) ovog člana, mjesne vodovode koji služe za snabdijevanje vodom za piće manje od 500 stanovnika, općina svojom odlukom može povjeriti na upravljanje i korištenje mjesnoj zajednici. Dakle ispod 500 stanovnika MZ može da rukovodi.

Stav (5) on se odnosi na ono što želim da poentiram vezano za samu naknadu cijenu vode. Grad, odnosno općina je dužna da obezbijedi da se iz cijene vode iz vodnih objekata iz stava (1) ovog člana obezbjeđuju troškovi tekućeg i investicionog održavanja vodnih objekata, izdvajanje sredstava za amortizaciju i otplata anuiteta za kredite korištene za izgradnju, rekonstrukciju i sanaciju vodovoda, troškove propisanih pregleda zdravstvene ispravnosti vode za piće, te izvršavaju druge obaveze utvrđene ovim Zakonom radi očuvanja života i zdravlja potrošača. Dakle ne radi se naravno o profitnom preduzeću. Mi ovdje sada imamo u vremenu koje je iza nas i evo do danas imamo većinskog vlasnika privatni kapital. Sve ove odluke sve ove stvari koje smo do sada imali one su na neki način upitne, ali evo ja želim da svoju diskusiju baziram na ovo što je predloženo u Odluci .Dakle ja jesam da se daju ovlaštenja Gradonačelniku, da prikupi sve procijene koliko šta vrijedi i koliko će to koštati građane, ali i s druge strane da se isto tako uporedno radi na procijeni koliko košta otvaranje jednog novog komunalnog preduzeća i evo pripajanjem ovih vodosnabdijevanja može JP“Komus“ preuzeti. U dosta općina i gradova funkcioniše jedno preduzeće za svim ovim stvarima. Ja nisam stava da se da se daju ovlaštenja da se provede kompletna procedura kao što kolega Muhamed reče ako ne znamo koliko će to koštati građane i iz čega će se ono finansirati kao što smo čuli ako jedan koma nešto udijela košta 6.000 KM ,dakle idemo na cifru oko 300.00 KM i pitanje je hoćemo li doći kao što je Gradonačelnik rekao do 100% vlasništva jednog takvog preduzeća jer uvijek ćemo imati problema oko otkupa i dovođenja do 100% .Zato možemo razmišljati o osnivanju novog sa svim ovim stavovima i zato sam naveo o članu 12. zakona o vodama i da uredimo mi prvo svoju avliju po MZ da sve poštujemo zakone i onda da završimo na području Grada.“

Replika:

### **Hasan Puškar:**

„Odluka o kupovini udjela JP „Vodovod i kanalizacija“ d.o.o. Gračanica to je tačka dnevnog reda. Zakon o upravljanju vodama itd. to mi znamo svi koji smo se brinuli godinama o vodama, ovdje nama niko ne treba držati predavanje šta mi danas radimo. Danas donosimo ovu Odluku, a Komisija je predložila između ostalog i sljedeće nisam čitao. Znači ovo je da se kupi pošto pravo preče kupnje vrijedi po zakonu 30 dana ako ne damo pismenu Odluku hocemo li ili nećemo ,lice ima pravo predložiti trećem licu da kupi svoj dio. Čini mi se da se već uporedo vodi procedura da se izvrši procijena kapitala pa će se na osnovu toga izvršiti koliko vrijedi dionica. Čini mi se da je Komisija i to imala stav i između ostalog razmatrala i dala prijedlog itd i itd. A čini mi se da je i Gradonačelnik također iznio u svom izlaganju jer smo zajedno svi radili na tom detalju. Znači da neće niko kupovati, ne smijemo kupovati na svoju inicijativu, nego ovo kupujemo da se pređe 50% a dalje se ide u proceduru o procijeni itd.“

### **Gradonačelnik Nusret Helić:**

„Pa ja sam rekao da je ranije bio nekakav zaključak Vijeća u kome je rečeno da idemo u proceduru da postanemo većinski vlasnik i slijedom tog zaključka mi smo ušli u procedure i kao odgovorni ljudi, izvršna vlast ovog Grada razgovrali smo sa dioničarima i ubjeđivali ih i dobivamo daleko ispod nominalne vrijednosti udjele. Već je ponuđeno jedanaest udjela i mi smo se opredijelili da završimo zbog isteka roka od 30 dana u kome se trebamo kao neko ko ima pravo prečne kupnje izjasniti hocemo li ili nećemo. Imali smo slučaj već gdje novi privatnici kupuju kapital. Da bi sprečili to jer smo rekli da hocemo da postane JP između

ostalnih i zbog ovih razloga što govori Šehić o upravljanju vodama. Dakle mi se danas izjašnjavamo i logično je da date ovlaštenje Gradonačelniku, ako ne dajte Šehiću neka vodi ovo neka izvještava vas. Logično je da izvršna vlast vodi sve radnje i dovodi do toga i izvršna vlast će ponuditi vama odakle će naći sredstva. Meni je lakše doći ovdje na Vijeće i reći evo 14% još kapitala privatnog i izvolite vodite procedure. Lakše je da ja to obavim i da vidim mogućnosti da vam ne pričam način plaćanja od ugovaranja na jedan period u obrošnim otplatama do toga da ćemo dio sredstava da ne kažem koristiti možda iz vodovoda itd. Dakle želja nam je svima da bih imali jaču ulogu kao većinski vlasnik da utičemo na rad funkcionisanja. Samo zahvaljujući evo neću reći mom angažovanju mi smo u statutu imali dva u ime osnivača, trebalo je da bude dva u ime privatnih kapitala da spriječimo ove mušavele što su htjeli da se prave. Zaista ne vidim razloga da mi danas evo ovu prvu ne kupimo i da vodimo procedure. Neću ja tamo sklopiti ugovor i platiti prije nego što upoznamo Vijeće. Ima već jedanaest koji su ponudili i evo ovdje imaju imena koji su to vlasnici udijela i mislim da je opravdano da danas donesemo ovakvu Odluku jer sve slične Odluke se donose da se ovlašćuje Gradonačelnik da vodi procedure. Evo već kad sam uzeo riječ, ovo što je Šehić govorio o vodovodu, tamo u svemu ide u prilog da treba povećavati cijene vode da bih se stvorili uslovi da JP kvalitetno upravlja onim zašto smo ga mi ovlastili. Govorim i o vodosnadbjevanju i o komunalnom odvozu smeća.“

Replika:

### **Edin Šehić:**

„Replika kolegi Hasanu Puškaru iz razloga što sam ja odmah u svom izlaganju naveo da ću svoju diskusiju ograničiti i bazirati na tome i ja sam naveo te navode tako da bih zamolio jer ne znaju svi kolega Hasane te stvari kao što vi znate. A za Gradonačelnika ispravka krivog navoda. Ovdje stoji u članu 2., stav 2. Da se Gradonačelnik ovlašćuje za preuzimanje svih pravnih radnji, da sklopi i potpiše ugovor o kupovini udjela. U koliko je to da potpiše o kupovini udjela od 1,2% koliko ste rekli ja sam za, ja ću dići ruku. Ali nisam da potpiše ugovor dok ne znamo stvarno stanje koliko će nas to koštati i na koji način ćemo to isfinasirati, a s druge strane da se angažuje da vidimo koliko bih to koštalo osnivanje jednog JP sa 100% vlasništvom i da se povuče iz ovog trenutnog preduzeća.“

### **Džemal Jukan:**

„Meni je drago da danas imamo ovo na dnevnom redu i ukoliko se sjećate ja sam čak i insistirao na tome i postavljao pitanje kad će to konačno doći na dnevni red. Ne znam, ja imam osjećaj da mi preispitujemo sami sebe i ja koliko znam mi smo donijeli jasan, decidan zaključak da tad ovlašćujemo Gradonačelnika i ja sam samo imao primjedbu što sporo ide i što to nije bilo prije. Ja ovo sve pozdravljam i mislim da ovo trebamo uraditi danas ovaj prvi dio da konačno, i čak mislim da smo varali one ljude koji su nam ovdje pokazivali neke projekte i gdje nismo htjeli da im kažemo koje tu ubiti vlasnik. Mislim da je ovo vrlo bitna stvar da pređemo tu magičnu brojku od 50%, a naravno da sve to bude po zakonu i proceduri koja treba i mislim da kao ozbiljni ljudi mi smo ovo već zaključili samo treba da realizujemo.“

Zaključena je rasprava.

**Nihad Krajinović, Predsjedavajući Gradskog vijeća je pročitao zaključak Komisije za propise i statut, izbor imenovanja, gradska priznanja i obilježavanje značajni događaja i ličnosti i dao ga na glasanje.**

„Da Gradonačelnik odmah pristupi kupovini udjela Imamović Fikreta u iznosu od 1,258% po ponuđenoj cijeni od 6.000 KM.Obzirom da ponuda ističe 01.oktobra tekuće godine tj.sutra ,a kupovinom udjela bi Grad Gračanica stekao većinsko vlasništvo u društvu.“

Zaključak Komisije za propise i statut je jednoglasno prihvaćen i data je na glasanje Odluka.

Hasan Puškar je u ime Kluba SDA izrazio sumnju za glasanje Odluke o kupovini udjela u JP „Vodovod i kanalizacija“ d.o.o. Gračanica i zatražio pojedinačno glasanje.

Prešlo se na poimenično izjašnjavanje:

- 1.Krajinović Nihad (ZA)
- 2.Sulejmanović Osman (ZA)
- 3.Topčagić Mirzet (ZA)
- 4.Hasić Ibrahim (ZA)
- 5.Smajlović Vahidin (ZA)
- 6.Bajrić Vahid (ZA)
- 7.Hadžić Mirsad (ODSUTAN)
- 8.Milkić Demir (ZA)
- 9.Šakušić Ahmet (ZA)
- 10.Muslimović Adnan (ZA)
- 11.Puškar Hasan (ZA)
- 12.Devedžić Almedin (ZA)
- 13.Mujkić Mirsad (ZA)
- 14.Ahmetović Halid (ZA)
- 15.Alihodžić Nermina (ZA)
- 16.Dizdarević Kemal (ODSUTAN)
- 17.Džebo Senahid (ZA)
- 18.Hadžić Nejra (ZA)
- 19.Jukan Džemal (ZA)
- 20.Dedić Dino (SUZDRŽAN)
- 21.Šehić Edin (PROTIV)
- 22.Saša Operhal (PROTIV)
- 23.Omerović Muhamed (PROTIV)
- 24.Džananović Mirza (PROTIV)
- 25.Ibrišević Edin (ZA)
- 26.Ibrišević Alen (ZA)
- 27.Mešić Fadil (ZA)
- 28.Aljić Adem (ZA)
- 29.Avdić Arnes (ZA)
- 30.Mujić Alen (ODSUTAN)

Usvojena je Odluka o kupovini udjela u JP „Vodovod i kanalizacija“ d.o.o. Gračanica sa 22 glasa „ZA“, 4 glasa „PROTIV“ i 1 glas „SUZDRŽAN“.

## **TAČKA 2**

### **RAZMATRANJE I USVAJANJE ODLUKE O PRODAJI NEKRETNINA.**

Učesnici u diskusiji:

#### **Edin Šehić:**

„Ja bih samo o diskusiji ovoj tački dnevnog reda imao pitanje za Komisiju za procijenu vrijednosti Grada Gračanice.Na koji način je utvrđena cijena od 10 KM po 1m

kvadratnom s obzirom da se ovo već u užem jezgru grada radi, upitanju je naselje Lipa i čisto mislim da je ovo veoma mala tržišna cijena. Obzirom da znam iz pouzdanih izvora da se kreće od 40 KM do 50 KM čak i u daljim lokacijama izvan područja užeg jezgra Grada. Pa čisto samo da se pojasni zašto je stavljeno 10 KM cijena po 1m kvadratnom.“

### **Nusret Helić, Gradonačelnik dao je odgovor:**

„Vrijednost utvrđuje Komisija. Radi se o parceli koja je bila u sastavu parcele gdje je izgrađen objekat i koristi se godinama kao izgrađeno građevinsko zemljište. To je bio razlog jer ona sama za sebe dio parcele se ne može prodati u nikakve druge namjene. To pripada tom placu i korišteno je u te svrhe i Komisija je izašla i procijenila da iz tih razloga bude 10 KM. Da je to zemljište na kojem se može izgraditi objekat to bih bilo najmanje deset puta više, eto to su razlozi. Ne znam jel ima neko od vas grafički prikaz da vidite koji je to dio. Koristi se zemljište već godinama i kada je bilo potrebe da se dalje radi utvrđeno je da je to na nama zemljište i jednostavno u ovoj proceduri smo procijenili da je to ta cijena upravo iz tih razloga ništa drugo.“

Odluka o prodaji nekretnina jednoglasno je usvojena.

Data je pauza u trajanju od 10 minuta.

### **TAČKA 3**

#### **RAZMATRANJE I DAVANJE SAGLASNOSTI NA ODLUKU O NAČINU OBRAČUNA I VISINI CIJENE USLUGE SAKUPLJANJA I ODVOZA KUĆNOG OTPADA JP „KOMUS“ D.O.O. GRAČANICA.**

#### **Direktor JP „Komus“ Gračanica, Senad Memić:**

„Evo ja ću ukratko u obrazloženju, mada su Klubovi vijećnika i svi vijećnici dobili zahtjev a na Klubove je dostavljena kalkulacija cijena. Dužan sam radi javnosti iznijeti nekoliko osnovnih činjenica zbog koji se danas ova tačka dnevnog reda nalazi na sjednici Gradskog vijeća. Prije svega želim da napomenem da sam ja kao izvjestilac u proteklih nekoliko godina bio na Vijeću i da kažem da je naš Izvještaj bio izložen pritiscima da se u odvoz otpada uvedu sve MZ na području Grada Gračanica. Taj zahtjev je uvijek bio za mene lično razuman jer sam prije svega stava da svim građanima Grada Gračanica treba omogućiti iste uslove za življenje i iste uslove koje nudi JP i te zaključke smo prihvatili i naše aktivnosti usmjeravali u tom pravcu. Nabavkom novog kamiona za odvoz otpada prije dvije godine stekle su se tehničke pretpostavke da ovaj proces zaokružimo i u ovom momentu je 91,15 % teritorije Grada Gračanica obuhvaćeno je uslugama deponovanja otpada. Što se tiče usluga koje nude i ostala, javnih usluga mi smo pri vrhu. S te strane s obzirom da znate na kakvom geografskom položaju se nalazi Gračanica to nije bio nimalo jednostavan zadatak i još uvijek nije i mi smo sufinansirali nabavku kamiona za odvoz smeća s kojim smo obuhvatili i ostale MZ sa 100.000 KM dok smo ostatak od 80.000 KM iznašli od strane donatora. U odnosu na cijene koje su na snazi od 2009. godine desile su se značajne promijene koje su dovele do toga da se danas pred vama nalazi ova Odluka na koju trebate dati saglasnost. Prije svega želim da napomenem da su troškovi, direktni troškovi značajno porasli u protekli deset godina što se prije svega odnosi na cijenu rada koja je bila 1,80 KM najniža satnica 2009. godine a u ovom momentu po kolektivnom ugovoru je 2,5 KM najniža satnica, cijena goriva 1,70 KM porasla na 2,30 KM, troškovi održavanja vozila JP „Komus“ su značajno veći s obzirom da smo se u proteklom periodu da kažem tehnički opremili i broj vozila sa 12 je povećan na 22. Vozila smo povećali prije svega iz razloga koje sam prije naveo, znači da bi bili u

moćnosti da sa odvozom smeća opskrbimo cijelo područje Grada Gračanica. Troškovi plata su sa 567.000 KM u 2009 godini porasli na 755.000 KM i moram napomenuti ovdje radi javnosti i svih oni koji su u proteklom periodu koristili društvene mreže da nahajkaju građane na uposlenike JP „Komus“ što im Senad neće zaboraviti. Da napomenem da su plate uposlenika JP „Komus“ jako niske i pozivam sve one koji barataju netačnim podacima na društvenim mrežama da dođu u prostorije JP „Komus“ i shodno zakonom o zaštiti ličnih podataka dobit će bez imena iznose plata pojedinih uposlenika pogotovo najnižih kategorija. Plata uposlenika JP „Komus“ znači prosječna plata se kreće oko 700 KM, znači plata uposlenika na odvozu smeća su u tom iznosu, a plate ljudi koji rade na higijeni Grada su manje. To nisu plate koje u ovom momentu mogu zadovoljiti ekonomske potrebe jedne porodice a većina mojih radnika s obzirom da se radi o n/k radnicima su jedini koji u svojoj porodici rade. Tako da bez ikakve lažne skromnosti ja sam zadovoljan s radom svojih uposlenika ali želim da naglasim da se barata s netačnim podacima u ovim danima koji su prethodili ovoj sjednici i želim da ih demantujem ovom prilikom. Mi smo u proteklim godinama nabavili veliki broj vozila prije svega kao što sam već spomenuo kamion za odvoz otpada, kamion za zimsku službu, čistilicu ulica na električni pogon koja je jedina takve vrste u BiH, kolsku vagu, nabavku 7.860 kom. kanti od 120 l. koje smo besplatno podijelili svim domaćinstvima a sama vrijednost nabavki ovih kanti koje se koriste primarno znači za odlaganje komunalnog otpada je oko 300.000 KM. Sa proteklih nekoliko godina uložili smo 238.000 KM donatorski sredstava i oko 400.000 KM vlastitih sredstava JP „Komus“ u tehničko opremanje i stvaranje uslova da naši građani imaju jedno od najkvalitetnijih komunalnih usluga u BiH. Pozitivan finansijski rezultat iskazan u proteklim godinama je prije svega plod našeg rada na obezbjeđenju ovih 938.611 KM tuđih sredstava koje smo koristili kroz projekte, a ovih 400.000 KM je naše učešće i svako onaj koji se bavi projektima zna da bez sunfinansiranja nećete učestvovati ni na jednom projektu koje finansiraju, bile vladine, bile ne vladine organizacije. Jasno mi je da u ovom momentu politički aksept ima dominantu cijenu u određivanju cijene usluge u odvozu i deponovanju otpada i često ne opravdano se maskira u takozvanu brigu oko standarda određenih kategorija stanovništva. JP „Komus“ i to odgovorno tvrdim u ovom momentu spremno svakom građanu za koga bilo vijeće MZ svojim dopisom bilo Centar za socijalni rad svojim dopisom kaže da je socijalni slučaj spremno je besplatno voziti otpad onu količinu koju god iznese i pozivam vijeća MZ da nam dostave spiskove ljudi koji jesu u stanju socijalne potrebe i ljudi koji nisu u mogućnosti da plaćaju ovu uslugu i svim tim ljudima će otpad biti uredno odvezen kao i svim onim korisnicima koji jesu u stanju da plaćaju. Kao što sam već rekao da sumiram u ovom momentu povećanje cijene koje je pred vama je rezultat dirteknih troškova i ovakva ekonomska cijena koja je u ovom momentu na snazi ugrožava daljnji rad JP „Komus“. Neophodno je cijene prilagoditi ekonomskim cijenama i mi u proteklih deset godina nismo nikad došli pred vas s ovim zahtjevom ali je krajnje vrijeme nakon deset godina da se određene stvari postave na zdrave osnove i ja pozivam Vijeće da da saglasnost na Odluku o cijena usluga na odvoz i deponovanje otpada.“

### **Gradonačelnik Nusret Helić:**

„Evo samo par rečenica dok se ne otvori rasprava. Naše preduzeće, za naše JP „Komus“ treba stvoriti uslove da kvalitetno izvrši poslove. Kažem treba stvoriti uslove jer je to naše preduzeće i učiniti sve, ako se sjećate prije par godina ono je odvozilo smeće samo iz Grada i čini mi se iz Pribave ako se ne varam. Nakon toga dobili su petnaestak novih MZ koje su uključene u odvoz smeća i hvala Bogu postigli dobre rezultate. U vrijeme kad smo imali samo Grad i Pribavu preduzeće je poslovalo s dobiti i dobit je akumulirana i utrošena upravo u ovo što je govorio Senadu za obnovu vozila i svega onoga što služi da se kvalitetno odvozi smeće. Gdje je tu sad sa novih petnaest ili dvadeset MZ ekonomska opravdanost, uzmite prostu računicu, ja imao 100 KM i radim sa 100 KM toliko i došlo mi sad obaveza još 200 KM a i dalje radim sa 100 KM, govorim o ovom ekonomskom efektu. Ja mislim da ovo Vijeće ne bi

trebalo gurati preduzeće u gubitak i znate koji sve problemi nastanu ako mi na ovaj način ne usvajajući ekonomsku cijenu odvoza smeća na području čitavog Grada, vjerovatno guramo preduzeće u gubitak. Direktor je rekao, svi oni kome je puno ovo još dvije marke, kad kažem dvije marke ne govorim o procentu, preduzeće i Grad će iz budžeta i imamo jednu stavku iz meg projekta koja je upravo za one grupe koje ne mogu plaćati, namirit ćemo ali za one kojima je zaista potrebno. Nećemo izmiriti za one koji imaju 20 duluma zemlje i ima stan, vikendicu živi sam i kaže ja ne mogu. Dakle spremni smo za sve one grupe koji su u stanju socijale i ne mogu izmiriti ove dvije marke, izmirit ćemo. Evo ja govorim da će biti stavka i u budžetu a evo i preduzeće na osnovu vaših procijena u MZ možemo doći do toga. Evo zbog toga sam se javio, najviše zbog ovog drugog da ne guramo preduzeće u gubitke jer objektivno će ući u to kad imate više posla imate više troškove a isto para imate. Grad je spreman učestvovati za one sve kome su te dvije marke još dodatni rashod pomoći da to ispoštujemo.“

**U ime Komisije za ekologiju i urbanizam prisutnima se obratio Predsjednik Komisije Alen Ibrišević:**

„Komisija za urbanizam i ekologiju je na svojoj sjednici 26.09.2019. godine razmatrala i ovu tačku i Komisija predlaže Vijeću da usvoji navedeno.“

Učesnici u diskusiji:

**Mirza Džananović:**

„U ime Kluba Naša stranka DF mi smo razmatrali ovu Odluku i ne bih dugo polemisaio oko razloga zbog čega ali samo par crta zbog čega nećemo podržati ovu Odluku. Smatramo da ovo 25% još dodatno opterećenje za budžet svih domaćinstava, a s obzirom da preduzeće posluje pozitivno smatramo da nema potrebe da se ide sa povećanjem cijene.“

**Edin Šehić:**

„Pa evo ja bih prije diskusije zahvalio se Predsjedniku skupštine gospodinu Heliću i direktoru JP „Komusa“ Senadu Memiću na ovakvom izlaganju i svakako želim za ovom govornicom da pohvalim rad JP „Komus“ i ono što radi za naš Grad i zaista sve pohvale i to smo uradili i na usvajanju Izvještaja. Ali ja zaista moram iznijeti ovdje neka svoja viđenja onako sa svoje tačke gledišta šta bih ja poduzeo a da ne povećavam ovu cijenu kao što ste rekli za 25 %. Dakle imamo određenih stvari koje možemo možda unaprijediti i da dođemo do veće cifre novca u odnosu na ono što bih postigli sa trenutnim stanjem i efektom od 2 KM kao što ste rekli na povećanje od postojećih 8 KM. Prije toga ne znam da li je se odnosilo ovo za javne i društvene mreže na mene konkretno s obzirom da sam ja objavio anketno pitanje i htio sam da oslušnem glas javnosti i ono što mi je na neki način dijelom i javnost rekla ja sam to elaborirao u par stavki koje ću ovdje iznijeti i tako da ukoliko sam nekoga ovdje uvrijedio ja se izvinjavam jer nisam imao namjeru da bilo koga prozivam. Dakle procenat povećanja cijene za 25% je previsok, uzmemo li u obzir sljedeće činjenice al svakako i aktivnosti sa kojima možemo doći do realnih ušteda i izbjegavanje povećanje cijena. Trošak života i potrošačka korpa građanja je u znatnom porastu, dok s druge strane plate odnosno neto primanja zaposlenih u realnom sektoru stagniraju ili su neznatno uvećanje i to je jedan od razloga zašto ne bih trebali povećati cijenu. Zatim pokrivenost odnosno uključenje domaćinstava u sistemski i zakonski odvoz otpada na području Grada ima prostora za povećanje. Sa uključenjem više domaćinstava veća je i naplata i prostor da se namire dodatna sredstva bez povećanje postojeće cijene. Uzmemo li u obzir činjenicu da smo usvojili Izvještaj ,da od 13.618



domaćinstava ukupno uključeno 8.937 domaćinstava i ako pomnožimo te dvije marke dobivamo mjesečno prihode od 17.774 KM ,a ako uzmemo 4.681 domaćinstvo koje nije uključeno u sistem i pomnožimo sa 8 novih dodatnih KM ,dobivamo cifru od 37.448 KM,dakle više nego duplo.Evo 50% da uključimo tih koji nisu trenutno uključeni doćemo bez povećanja do efekta.Zatim sa boljom selekcijom, organizacijom moguće je organizovati odvoz otpada 10 do 15 dana iz ruralnih područja gdje ima manje otpada uz zadržavanje postojeće cijene od 8 KM ,a znatno smanjenje direktnih troškova rada mehanizacije.Svi ste upoznati da u danima praznika mi nemamo odvoz smeća a onda nakon sedmicu u redovnom terminu imamo.Dakle ima prostora da se može bolje organizovati odvoz i samim tim smanjiti troškove.Na kraju pozivam ovo Vijeće da ubrza,odnosno razmatra i predloži izmjenu Odluke i određivanje cijena i za poslovne korisnike,obzirom da dolazim iz realnog privrednog sektora gdje moram istaći da je prilično ne srazmjerno recimo da je cijena odvoza otpada ide prema 1m kvadratnom poslovnog prostora koje koristi isti određeni privredni subjekat,a poslovni korisnik se bavi s nekom djelatnošću koja nema otpada u mjesec dana ni vreću od 120 l. A svjedoci smo da plaćaju od 35 do 50 KM mjesečno.Dakle ovo je samo moj jedan kraći osvrt i nemam zaista namjeru da bilo šta loše kažem o organizaciji JP „Komus“ ali smatram da u ovom momentu nije opravdano povećanje cijene s obzirom da ulazimo u reformsku godinu gdje će doći do smanjenja nameta,doprinosa i poreza na dohodak a samim ti i stvorit će se prostor da se poveća potrošačka korpa i da možemo onda da tako kažem nametnuti ove 2 KM našim građanima.“

### **Direktor JP „Komus“ Gračanica, Senad Memić:**

„Pa evo što se tiče stava Naše stranke nisam upratio ništa konkretno samo su rekli da neće glasati i mislim da bih bilo fer da se iznesu razlozi zbog čega se neće glasati.Poštujem stav gospodina Šehića i pokušati ću ovdje kratko preći ono što je rekao.Što se tiče standarda mislim da sam već spomenuo i evo Gradonačelnik je u svom izlaganju rekao da ne možemo računati standrad svih građana jednako jer nismo svi jednaki i s te strane ovo povećanje definitivno neće isto opteretiti nekoga ko radi ali hoće opteretiti nekoga ko ne radi ili je u stanju socijalne potrebe i tim ljudima kao što sam već rekao će se naći modus da se sufinansira ova razlika.Što se tiče procenta uključenosti,mi smo kalkulisali troškove na broj ljudi koji sad trenutno plaća otpad.S povećanjem broja ljudi se povećavaju troškovi i nije isto voziti sto kanti iz MZ i dvjesta kanti,s dvjesta kanti će te sigurno imati veće troškove radne snage,veće troškove mehanizacije,veće troškove goriva i samim tim kalkulacija je rađena s postojećim brojem korisnika i postojećim troškovima.Veći broj korisnika znači veće troškove i u principu bih došli na isto.Procenat uključenosti u ovom momentu je takav kakav jest.Vi ste podatke imali prilikom svakog Izvještaja o radu JP „Komus“ i s povećanjem ove uključenosti znači dolazimo u situaciju da su nam veći troškovi.Međutim u ovom momentu nema 35% ljudi na području Grada Gračanica koji ne plaćaju,nema tih ljud.Puno domaćinstava u MZ i u samom Gradu je prazno,znači ljudi imaju objekte ali ljudi žive vani i svi u svojim sredinama znate koji je to broj domaćinstava koji se ne nalze usvojim domovima.Znači ljudi imaju cips tu,kuća ima tu,moje kolege kad odu do te kuće ta je kuća prazna i neko od komšija kaže da žive vani.Taj procenat od 30-35% što spominjete definitivno nije takav.Možmo pričati o 15 do 20 % domaćinstava koja ne plaćaju smeće a žive tu,to je realan procenat.Nažalost nećemo ga nikada znati jer popis kad se vrši ti ljudi se potpisuju tu i statistički mi smo uzeli broj domaćinstava na području Grada Gračanica koji se nalazi u agenciji za statistiku.Broj korisnika je nešto što su moje kolege našle na terenu i znači imate realan pokazatelj broja korisnika jer su ti ljudi tu i imate nerealan broj domaćinstava jer svi ti ljudi koji su navedeni definitivno nisu tu i veliki broj domaćinstava je prazan i vi to znate.Što se tiče reformske godine,ne znam kako uvijek JP „Komus“ zakače te reforme ali kad pričamo o doprinosima i porezima i ono što je barem sad dostupno javnosti a to je da će se oporezivati topli obroci i sve ono što je do sada bilo neoporezivo i to će samo JP „Komus“ stvoriti dodatne troškove.To će samo stvoriti dodatne troškove na osnovu plata i definitivno nama neće biti lakše u ovom momentu.To je ono što je poznato a šta će parlament usvojiti vidjet ćemo ali nam definitivno

to neće ići na ruku.Odvoz otpada u petnaest dana je nešto što smo mi davno probali i davno iskalkulisali.Imate domaćinsto koje u sedam dana stvori jednu kantu otpada,a u petnaest dana je logično da će stvoriti kantu i vreću od 120 l odnosno dvije vreće.Tako da će moj kamion kada uslužuje MZ umjesto šest sati koji ostanu kad voze sedmično ,ostane deset do dvanaest sati jer je dupla količina otpada upitanju.To je nešto što nam se dešava kad su praznici u pitanju kao što ste već spomenuli,gdje imamo duple linije i gdje imamo dupli odvoz smeća na način da ukoliko je do tada išao jedan kamion,u tom momentu moraju ići dva kamiona jer se radi o duploj količini smeća i tu nema uštede ni radne snage ,niti goriva, jer kažem količina smeća diktira uštedu odnosno potrošnju radne snage i energenata.Što se tiče poslovnih korisnika vrlo rado ćemo vam pripremiti novu Odluku odvoza i deponovanja otpada od strane poslovnih korisnika ,ona koja je trenutno na snazi za nas je najrealnija jer je poslovne korisnike razvrstala u dvanaest kategorija i u dvije zone spram toga da li se vozi više puta sedmično kao što je centar Grada ili jednom sedmično kao što su MZ ,ali 500 korisnika, poslovnih korisnika koje mi imamo u svojoj evidenciji definitivno ne mogu namiriti razliku koju stvori 9.000 korisnika građana odnosno domaćinstava.Evo nadam se da sam pojasnio određene stvari ,tako ako bude još pitanja stojim na raspolaganju.“

Replika:

### **Mirza Džananović:**

„Evo Senade pošto niste razumjeli zbog čega ne želimo da se poveća cijena jer smatramo da imate dobiti i zbog toga ne želimo da se povećava cijena.Znači ne poslušete u gubitku i imate ako se ne varam 150.000 KM dobiti u prošloj godini i možete namiriti od toga,a ako bude bilo potrebe i kada budu svi bili uključeni u odvoz smeća onda možemo pričati o cijeni.A 25% i dalje smatramo da je previše povećanje i mi nećemo podržati ovu Odluku.“

### **Direktor JP „Komus“ Gračanica, Senad Memić:**

„Ako ste slušali a očito da niste moje izlaganje ,rekao sam već da smo mi pozitivno poslovali prije svega zato što smo našli gotovo milion KM tuđih sredstava koje smo utrošili za nabavku opreme.Znači tuđih sredstava i s te strane ovaj pozitivan rezultat i svih predhodnih godina jeste to.Drugi razlog zašto jeste to što smo sve uz naše sufinansiranje jeste od 400.000 KM na ovih milion sufinansirali od plata radnika.Plata radnika su jako niske i ja nemam dvije kase,znači ja iz jedne kase plaćam platu i sufinansiram nabavku opreme.Ja više ne želim da gubim dobre radnike, jer u protekle dvije godine osam radnika prosječne starosti 30 godina otišlo iz firme a mijenjam ih s ljudima prosječne starosti 50 godina što stvara jako nepovoljan balans u godinama i ne želim više da budem odgovoran za to i neću da budem odgovoran.Zato je ova Odluka danas ovdje pred vama.Znači ne želim više da moji radnici imaju platu od 600 KM jer ne mogu sa tom platom živjeti i ja se s tim ne mogu složiti.Ne želim više da sufinansiram nabavku opreme tim sredstvima,znači od sad ono što budemo mogli finansirati,finansirati ćemo,a ostalo ćemo se vama pojavljivati svake godine sa zahtjevom za nacrt budžeta da nam sufinansirate nabavku kamiona,da nam sufinansirate nabavku svih ovih ostali stvari jer ste osnivač.Do sada vas nikad nismo opterećivali,do sada niste znali manje više za JP „Komus“ osim kad se radi o Izvještaju o radu jer smo definitivno dobro radili,opslužili smo dvadeset i jednu MZ od dvadesettri koje imaju na području Grada Gračanica,znači samo Lukavica i Gornja Orahovica nisu u sistemu.Gornja Orahovica ide od 01.01.2020 godine i znači ostaje nam Lukavica s kojom ćemo morati napraviti poseban plan odvoza i deponovanja otpada ali i to ćemo uradit.Opslužit ćemo čitavo područje Grada,ali od vas tražimo danas da samo budete malo hrabri da podržite nešto što je ekonomski opravdano,nešto što je realnost,nešto što u proteklih deset godina niste imali kao tačku dnevnog reda jer nismo imali potrebu.Mi smo se razvijali,mi smo radili,mi smo sve građane tretirali jednako i došli smo do najudaljenijih kuća na području Grada Gračanica.Danas je pred

vama nešto što nam treba jer nismo više u mogućnosti voziti iz pojedinih MZ za 8 KM. Vi ste ovdje ,ovaj saziv Vijeća i prošli saziv Vijeć konstantno prilikom svakog Izvještaja i trebao sam vam kopirati u materijalu, znači imam pet usvojenih Izvještaja i svaki put zaključak JP „Komus“ Gračanica je dužan uvesti organizovan odvoz otpada u MZ ,pa fino nabrojano Prijeko Brdo, Trnovci, Buk, Džakule, Doborovci, Gornja Orahovica, Lukavica, Rašljeva ,i mi smo to uradili. Ja sam danas ovdje pred vama ne zato što želim, nego zato što moram i zato što imam iza sebe 44 čovjeka, zato što sam uveo selektivno odvajanje otpada što nema ni jedan grad u BiH, zato što nam dolaze iz Konjica ,Mostara, zato što nam dolaze iz svih gradova da vide šta smo mi to uradili ovdje. Mi smo dobar primjer, dobra praksa ,pitajte koga hoćete iz komunalnog sektora i svi će vam reći da znaju šta radimo ovdje i da samo mi to radimo. Mi radimo dupli odvoz otpada. Mi ljudi vozimo i pet ,tetrapak, sve ono što vi odvojite mi odvezemo i to nam nije prihod da se razumijemo ,to nam je trošak. Cijena jedne vreće na kojoj piše Pet je 0,20 KM, a ono što vi odložite u nju peta ne vrijedi kao ta vreća, ne vrijedi. Za jednu tonu peta treba 22.000 pet boca i to košta 600 KM ,u jednu onu vreću ne može stati više od deset i ne vrijedi kao ta vreća ali mi to radimo i radimo to unazad šest godina. Nismo nikad od vas tražili ni sufinansiranje, niti bilo šta drugo. Išli smo, tražili pare, išli molili ljude koji su nam to finansirali, od ministarstava pa do svega ostalog, međunarodne organizacije ,pa išli na seminare, školovali se ,učili i primjenili ovdje dobre prakse. Imate zelena ostrva ovdje po Gračanici, gdje ste vidjeli vi to još, možda u Sarajevu. Imamo više zelenih ostrva nego 997 gradova u BiH. Evo ovim danima ćemo postaviti zelena ostrva za električni otpad da možete odložiti tamo kompjutere, baterije i sve ostalo da i to ne ide u smeće. Ono što prikupimo peta i tetrapaka košta 20.000 KM godišnje. Ja sam na te poslove primio dva radnika uz minimalnu platu od 600 KM i doprinose koji idu na to i plus topli obrok i prijevoz, dobijete cifru koja je preko 20.000 KM ,a gdje je odvoz, gdje je kamion, gdje su radnici koji to prikupe, gdje su vreće za smeće, gdje je energija da se to isprespje, to su činjenice. Mi možemo ovdje političariti, ustvari vi možete ja ne mogu ,ja mogu reći ono što piše ovdje i ono što je istina. Vi možete skupiti hrabrosti i glasati za ovo ili ne glasati, ali nemoj te da se ubjeđujemo zašto nešto da, zašto nešto ne. Mi vas nismo opterećivali zadnjih deset godina i radili smo dobro i to ste vi rekli ovdje svaki naš Izvještaj. U ovom momentu nam je potrebno da naš osnivač Gradsko vijeće stane iza nas a hoćete li stati ili nećete odluka je na vama, a ja se nadam da hoćete.“

### **Hasan Puškar:**

„Ja se ovdje ne bih osvrtno trenutno na diskusiju o cijeni, nego pozvao bih se na korisnike ovih društvenih mreža koje šire ovdje deinformacije ,pa samo jedan komentar, mene bih bilo stid napisati. Pa kaže, kad radnici komunalnog društva u Gračanici potpišu da bez toplog obroka rade za 600 KM mjesečno, ja ću tada platiti. Mene bi to bilo stid napisati za nekog radnika koji ustane u jutro u četiri sata ili u pet, za neke koji ne znaju, koji duboko spavaju i koji nigdje ne rade i primaju benifite s druge strane, koji ustaju možda u devet sati i koji samo vise na internetu i telefonima itd. mogu ovako napisati. Mene bi bilo stid pogledati u oči tog svakog radnika kojeg sretnem na ulici. Koji ne zna kad ti ljudi rade i kada je minus dvadeset su na ulici i kad pada snijeg i kad pada kiša i kad ih prozivamo što nisu očistili ulice itd. itd. I ovi isti pišu zašto nisu očistili, a onda kaže platit ću kad on bude bez toplog obroka il bez putnog troška a radio za 600 KM. Svuda u svijetu to se smatra kao neka djelatnost kao ponižavajuća i ustvari tu se dodaje na platu za sram jer to neće svako da radi a u nas bi gledali ljudima da smanje. Ne pričam o cijeni trenutno ,pričam o ovome kako ih nije stid napisati i komentarisati na osnovu ovoga. Znači o cijeni i stavljati neke tamo radnike usporedno mislim stvarno je ovo sramno. I ovi ljudi stvarno nemaju morala ni mrvicu. Čitavo jutro pišu o tome a nemaju pojma o čemu se priča. Pričamo o dobiti preduzeća, svaka čast imali smo dobit ,imati ćemo možda i kad bude manjak pa ćemo onda u minusu kad budu radili. Znači ne bih sad trenutno diskutovao o cijeni ali molio bih neke kada pišu ,kada komentarišu, jer stvarno ovo nema smisla. Nedo mu Bog da sam ja na ulici i da je ovo napisao i da prođe kraj mene završio bih u onim kolicima ti što pišu. Znam da ide u program ,ali treba

malo gledati kad se piše o nekome po društvenim mrežama i treba dobro odvagati prije nego što se napiše, stvarno nije uredu, nije korektno. Ja znam da je raspisan konkurs, niko neće da radi u kanalu, ja tražim radnike i niko neće da dođe raditi u kanalu, niko neće na lopatu, kažu ja bih bio vozač, gdje si vozio, imam vozačku, pa šta si vozio a imaš vozačku. Svi bi došli u Općinu radili, a kada dođu u Općinu raditi onda im daje da ne rade a da imaju dobru platu. Tako svako javno preduzeće gdje smo svjedoci svaki dan tih komentara. Ali podvlačim prije nego što počete pisati o ovim ljudima u komunalnim preduzećima kao što su u Vodovodu i Komusu tim ljudima treba skinuti kapu kad prođemo kraj njih. Isti rade i po kiši i po snijegu i po minusu i te ljude treba respektovati. Umjesto da ih počastimo kad dođu na vrate, de popij kafu, mi pišemo neke gluposti o njima. Ovdje se ne piše o cijeni, ovdje se direktno udara na radnika, to je sramota.“

### **Ibrahim Hasić:**

„Prije svega zahvalio bih se na ovako dobrom izlaganju kod samih ulaganja u proteklih četir, pet godina direktoru i prije njegove prethodnice postojalo je JP „Komus“ i znamo kakav je bio „Komus“ tada, znamo kakav je za vrijeme sadašnjeg direktora. Naravno i Gradonačelnik ovo što je pomenuo ako ima takvih po MZ ili u gradskim sredinama ili u ruralnim itd. nije nikakav problem. Dok sam tu da kažem što se tiče u Malešićima svi oni koji ne mogu platiti, koji ne mogu ni 8 KM a ne one 2 KM, ja odgovorno tvrdim da će MZ finansirati za te osobe koje ne mogu platiti. Ovdje bih rekao još da pojedine kolege koji puno diskutuju o ovoj Odluci, ali ima jedna stvar druga, jedni su od nekih učitelja naučili a jedni su sami iz svoje glave izvadili. Oni nemaju vladanja nad MZ, oni nemaju uvida šta je MZ, šta je otpad u MZ, ali najlakše je da se neko kako kaže onaj u jednoj emisiji, ali ja ću samo kazati kako tamo kaže „ženo ne zvocaj“. Ovdje se samo stvara pozicija da bi se neko zvoco i da bih se neko napadao i prema tome ovo je samo rano počela predizborna kampanja. Ja vam kažem, al znajte dobro da vi koji ste počeli prije na godinu i mjesec dana predizbornu kampanju da građani to veoma dobro kažnjavaju, oni su vas i do sada kažnjavali da dobro znate i kažnjavati će vas i dalje. Prema tome ovdje se ne traži da komunalno preduzeće, ustvari vi hoćete da komunalno preduzeće ide u gubitak pa ćemo mi onda njega spašavati i čupati iz blata. Pa nemojte bolan, imajte malo morala, imajte malo ozbiljnosti. Ponavljam, pošto vi nemate pojma, vi nemate pojma ni šta je MZ ni kako funkcioniše MZ, ni kako se u njoj obnaša onaj ko predvodi tu vlast u MZ.“

Replika:

### **Edin Šehić:**

„Uvaženi kolega Hasiću znam da ste se meni obraćali i mogli ste me prozvati imenom i prezimenom. Dakle Edin Šehić dobro zna šta se radi u MZ Babići. Edin Šehić nije počeo kampanju i ja ću reći ovdje ono što radim kontinuirano dakle već deset godina sa mladim aktivistima, omladincima, čistio sam i rijeke, izletišta „Vis“ sam sa svojom porodicom lično otišao očistio prošli vikend. Dakle mi koji imamo svijest mi to radimo kontinuirano i nije bitno šta i kako neko to posmtarao politički ili nije politički. S druge strane ja još jednom pohvaljujem zaista rad JP „Komus“ i sve ovo što mislim, zaista mislim da nije vrijeme u ovom momentu, evo ostalo nam je tri mjeseca do kraja godine i hajde da vidimo hoćeli se iščupati, hoćeli biti taj alarm da blizu 5.000 KM ostvaruje dobit i znam da hoće ostvariti dobit zato što je već ovo ustaljeno i da onda alarmiramo da neće moći iduće godine i da onda povećavamo cijenu. Ovo je sve nekako sbrzo bilo i bojim se zbog svih argumenata koje sam maloprije naveo da pokušamo više ljudi uključiti i još neke stvari da namaknemo i dođemo do sredstava a onda da razgovaramo o povećanju cijene. Dakle ponavljam kolegi Hasiću da ja nisam krenuo u kampanju, nego jednostavno radim i živim za ekologiju i borim se za ekologiju.“

Replika:

### **Ibrahim Hasić:**

„Ja razumijem kolegu Šehića i tačno je da on zna šta se radi u MZ Babići, znaš ti otprilike po sebi ali iako ne znaš šta se radi u drugim MZ. Samo nažalost što ti ne radiš ni u MZ Babići, jer ti šlaifaš da MZ Babići ne ide naprijed ali sreća imaju tamo ljudi jaki i maju mašinu naprijed koja vuče pa onda te koji šljafaju pukne im šlaif i nema od toga ništa, to je jedno. Drugo, vi kažete da se vi borite za ekologiju i naravna stvar to je savjest svakog pojedinca da to radi i ja vam tu mogu dati i neko priznanje, ali nemoj te sad kroz tu svoju diskusiju da mi svi želimo da nam bude prljavo, mi hoćemo da bude čisto ali vi sada po ovom pitanju ako nema zaposlenika u JP „Komus“ da očiste Grad i ako treba ukinuti topli obrok tom radniku, pa stvarno nema smisla i rekao je prije kolega Puškar da se treba sramiti onih ljudi i u svakoj normalno državi, ja ne znam u Bosni u ostalim mjestima ali u svakoj normalnoj državi od 25% do 30 % ide lični dohodak baš na sramotu tako je baš nazvano u Sloveniji samo na njihovom jeziku. Prema tome treba ukinuti topli obrok i treba znači da im žene idu prosit a da oni čiste nama i održavaju higijenu po Gradu.“

### **Demir Milkić:**

„Pa evo zaista će biti teško poslije starijeg kolege nešto dodati. Evo da ja iskoristim priliku i da kažem da JP „Komus“ i njegovi radnici su srce i duša našeg Grada. Svima nam je lijepo kad pogledamo zimska služba kakav posao radi, pa kad se vašer završi u 11 sati naveče a u 2 sata sve bude čisto i objavi neki portal i onda svi kažemo eh mi smo iz Gračanice, ovo je naše preduzeće, tada nam svima to paše i ponosni smo. Ja samo direktore imam jedno pitanje, ja sam se odlučio ja ću glasati za, međutim povećanjem cijene da 10 KM, da li postoji mogućnost da se niskokvalifikovanim radnicima poveća plata 5 do 10 %?“

### **Džemal Jukan:**

„Evo ja pozdravljam slušaoc Radio Gračanica jer je aktuelna tema pa se vjerovatno prati i ovo o čemu raspravljamo. Ja bih se obratio direktoru JP „Komus“, Direktore ne morate mene moliti da skupim hrabrosti da donesem odluku i da se izjasnim kako ću se izjasniti. Ni Gradonačelnik to što je iznio ne mora biti presudno, ono što mene brine i sikira u cijeloj stvari nije tema današnje sjednice a to je deponija koja nas sve može koštati indirektno ovog svega. Ali evo obzirom da slušaju ovo mediji što reče kolega Hasić jel kampanja krenula ili nije. Sada treba biti hrabar pa reći to glasno kako se izjasniti, evo Džemal Jukan kao odgovoran vijećnik kaže da će podržati ovo što je predloženo jer zato što moramo povesti računa i o tom preduzeću. Ako bi pitali građane, anketirali, imali smo mi anketa do sada, naši paušali trebaju da idu negdje drugo, ne trebamo da dobijemo plate za ovo što radimo, mi bilo šta ako bi pitali tamo dobili bi odgovor taj koji bi dobili i ja uopšte ne sumnjam, bio takav kakav jest. Znači ako idemo tim putem onda ishod se zna, ali međutim kao odgovorni ljudi, evo ja sam samo izašao da javno to kažem i to će čuti građani da ću ja ovo podržati.“

### **Vahidin Smajlović:**

„Evo i ja želim da se oglasim malo povodom ove tačke Odluka o povećanju cijena komunalnih naknada. Život je skuplji i nažalost iz dana u dan svjedoci smo da svaki dan nažalost opet kažem život je skuplji, plate ne prate tome i shvatam ja da je teško stanje i naravno aj da kažem svaki taj dodatni namet može se negodovati ne zato što ljudi ne bi željeli da plaćaju nego zato što je težak život. Međutim evo i ono kad smo raspravljali prilikom nekih stavki kada mijenjamo aplikacije mobilne na druge aplikacije i mijenjamo paket od 5 KM to nam dođe nešto usput. Ali evo ne branim ja ovdje ovu činjenicu da treba povećati cijenu, ali

činjenica je da smo mi ovdje ovo Vijeće uputili zaista mnogo inicijativa vezano za rad preduzeća „Komus“ oko uklanjanja divljih deponija, oko boljeg čišćenja, treba ovo, treba ono. Ako mi hoćemo da imamo JP „Komus“ u punom kapacitetu, znači da odgovori svim onim zahtjevima, mi naravno moramo da im obezbjedimo sredstva za taj njegov rad. Svi se slažemo za to da tim radnicima treba obezbjediti i jedne solidne i razumljive da kažem plate jer ti ljudi zaista dobro rade i moramo reći da smo do sada sve ove Izvještaje koje smo imali od JP „Komus“ jednoglasno podržavali i bili smo puni hvale i za direktora i za te radnike. Danas evo zaista treba da donesemo Odluku da to na neki način omogućimo jedan efikasan i dobar rad ovog našeg preduzeća. Moramo biti zaista i ponosni što je naše preduzeće u vrhu po mnogim stvarima vezano za razdvajanje otpada mi smo prvi u BiH i to je velika stvar. Direktor je pojasnio da to preduzeću stvara samo dodatni trošak, znači ne može se od prodaje pokriti taj trošak ali evo idemo znači u korak s Evropom i ono što zahtjevaju normalni uslovi. Ja bih samo htio uputiti direktoru jedno pitanje vezano za ovaj odvoz smeća. Obzirom da se treba doći do sanacije ove naše deponije a regionalna deponija Doboje još nije zaživjela i evo nadamo se da će brzo to da bude. Može li ova cijena ako je danas usvojimo pokriti te troškove prevoza smeća do Doboja i također jel u ovoj cijeni uključeno i razvojna komponenta preduzeća ili samo pokrivanje stvarnih troškova? Znači da li je to zaista samo za plate i gorivo ili možemo očekivati nešto iz ovoga da ulažemo i nabavljamo novu opremu. Prije sastanka, prije ove sjednice mi smo imali Kolegi i ja sam zaista insistirao da probamo da sjednemo jednom sat vremena i da razgovora Kolegiji i da zajedno nađemo rješenje i da pokušamo da ne politizujemo ovo. Evo slažemo se da JP „Komus“ hoćemo da radi ali ne možemo povećati. Ako se ne uspiju sredstva obezbjediti ovom Odlukom na neki način ne možemo ni očekivati da JP „Komus“ prati sve one naše zahtjeve i vjerujem da svako od nas ima puno zahtjeva JP „Komus“.

### **Mirza Džananović:**

„Evo ja bih samo još kratko da se nadovežem i prvo da ovdje razjasnimo da ne bude da Naša stranka ima problem sa JP „Komus“. Znači mi smo isto prezadovoljni za njihovim radom i to je firma koja dobro posluje i organizovana je i tako da nemamo nikakvih problem. Sa povećanjem plata radnika, nikakav problem nije, mi čak smatramo da još više trebamo povećati plate radnicima, ali ne sa budžeta građana. Evo ja sam za i pitam Vijeća da li ste vi za da se iz budžeta finansira pomoć JP „Komus“ a ne da građani plaćaju. Građani ionako pune budžet i zbog čega bi bili dodatno opterećeni i sa ove 2 KM, eh o tome se radi da se ne bi mi pogrešno razumjeli.“

### **Ibrahim Hasić:**

„Ja ne bih ovo upućivao na budžet da Gradonačelnik treba da razmišlja odakle da pokrije te eventualno manjkove odnosno ne pokrivanje plata itd. Ja imam jedan drugi prijedlog i s obzirom da smo u medijima i da nas građani slušaju, hajmo izvolite da se odrekneemo svojih paušala i da prebacimo na JP „Komus“ pa da ne poskupljujemo odvoz otpada.“

### **Hasan Puškar:**

„Pa evo postavio bih ja pitanje pošto dole ima stručnjaka neki vjerovatno i sjedili su odbori ovako, onako. Na koji način da povećamo dobit komunalnog preduzeća? Pošto ovi iz Naše stranke pametniji od svih i pošto šupljiraju puno pa da nam konkretno predlože kako. A ja podržavam kolegu Hasića u potpunosti i evo konkretno hajmo svi nas 30 puta 400 KM to je 12.000 KM i potpišemo svi trajne naloge danas odmah i mi iz budžeta dajemo pa da poboljšamo budžet JP „Komus“. Mi smo predložili konkretno ali konkretno kako da povećamo dobit JP „Komus“ bez budžeta.“

Replika:

### **Mirza Džananović:**

„Ja samo mogu reći za prijedlog koji je predložen za paušal da sam za.“

### **Gradonačelnik Nusret Helić:**

„Samo da podsjetim na zakon o komunalnim djelatnostima na ovaj prijedlog da se iz budžeta nešto finansira komunalno preduzeće. Iz cijene komunalne usluge obezbjeđuje se sredstva za obavljanje sljedećih komunalnih djelatnosti: snabdjevanjem pitkom vodom, snabdjevanje toplotnom energijom, održavanje čistoće, odlaganje komunalnog otpada i tako. Dakle nema šanse da se bilo šta finansira iz budžeta, na ove vaše priče da mi iz budžeta nešto. Ljudi ponuđena je ekonomska cijena, rečeno je i od strane direktora i od vašeg Gradonačelnika da svi oni koji ne mogu platiti tu cijenu, te 2 KM naći ćemo iz budžeta tamo gdje je predviđeno ima posebna stavka da ne mislite da sad kažem ne može iz budžeta pa može, ima tamo stavka za grupe socijalne koji projekat vodi Razija, znači riješit ćemo. Nemoj te da na račun ne usvajanja ove Odluke da imamo probleme. Preduzeće, ja vam isto tvrdim, jedno od najboljih, naše komunalno preduzeće jedno od najboljih u državi i mi sad evo zbog ovoga što smo stvorili nove poslove hoćemo da preduzeće dovedemo u tešku situaciju.“

### **Senahid Džebo:**

„Meni je malo samo zasmetalo to jesmo li hrabri ili nismo hrabri. Ovo je direktno taktički prozivka kad pogledamo mi ovdje vijećnike, a da li smo hrabri, evo mi ovdje dvije godine pričamo i mogu i ja reći da nismo. Dvije godine smo pokušavali ovdje i na svakom Izvještaju iz komunalnog koji je dolazilo iz Vodovoda, tamo kada smo uređivali zakon o komunalnom redu čini mi se, gdje može Gradsko vijeće da nametne nekakve Odluke gdje će se primjenjivati i gdje ćemo uvesti novi broj korisnika, gdje ćemo ih primorati da moraju potpisati te ugovore pa bih danas možda imali cijenu povećanja za 1 KM ili za 0,50 KM mi smo i tada bježali kao vijećnici od toga, jednostavno bježimo. Da li je počela predizborna kampanja, pa naravno Hasiću, počela je, vidi se da je počela. Kada nešto trebamo da uvedemo u sistem i da napravimo nekakve odluke mi nismo za to, kada dođemo evo na svršen čin i dobili smo cijene nekakve sad nemamo hrabrosti. S druge strane možda nije vođena dovoljno ni rasprava o tim stvarima, možda bi bilo nekih prijedloga na cijene a evo ljudi sad predlažu kako treba iz budžeta, predlažu da daju svoje paušale a možda bi neko dao drugačije cijene, možda da ide po glavi stanovnika odnosno po broju ukućana a da li bi išlo po tome ili po teritorijalne udaljenosti vidjeti bi. Mi smo dobili danas na svršen čin jednostavno došlo je ovdje Odluka je takva i takva ko ima hrabrosti neka glasa a ko nema hrabrosti ne mora glasati. I stvarno mi je zasmetalo to ko ima hrabrosti i dvije godine evo pričamo. Neće imati hrabrosti onaj ko hoće ponovo na izbore, neće. Evo ljudi su ponovo ovdje počeli kalkulirati i izlaziti, govoriti oni su sve za ime tamo a ovdje kad treba da uvedemo nešto i napravimo sistem gdje će otići tamo, gdje će se primorati, gdje će izaći komunalno preduzeće uraditi, očistiti, spremiti i natjerati te ljude da plaćaju mi to nećemo. I još jedna rečenica u ovom svemu kaže na nama je vijećnicima, nije samo na nama bilo je tu još službi nekakvih koji trebaju da rade svoj posao. I nemoj te više da se raspravljamo, hajmo brate dragi da glasamo i neka bude šta bude i gotovo.“

### **Edin Šehić:**

„Pa evo ja bih samo vezano za Hasana Puškar, mislim sačekao sam malo da vidim diskusiju pa da me izlazim više put. Ovo što si pomenuo vezano za konkretne prijedloge i prozvao si Našu stranku ali nije bitno. Ne znam koliko si čuo za uvođenje novih koji nisu u

sistemu da dobivamo efekat taj,direktor je objasnio da dolazi do troškova ,slažem se ali neka je 60% kao što i jest tih troškova mi ćemo opet namiriti tu cifru jer zato što imamo naplatu 37.400 KM a sa ovim 17.700 KM ,dakle ima tu još prostora.Ponovo podvlačim,pitanje hrabršoti manje,više,ali smatram da nismo iskoristili sve mehanizme i da pokušamo namiriti alarmiranu cifru za eventualni gubitak.Poslije toga kad sve iscrpimo i natjeramo, jer mi sad opterećujemo građane po 2 KM za one koji nikako ne plaćaju i nisu u sistemu i kao što kaže Senahid Džebo nije fer.I evo ujedno i pitanje ,dokle je se došlo sa Odlukom o komunalnom redu jer imali smo podavno nacrt,imali smo raspravu i sve a ona još ne dolazi na dnevni red.“

### **Hasan Puškar:**

„Edine slažem se u potpunosti s tobom.Mislim pod broj jedan, treba iskoristiti i ostale načine da se povećaju prihodi,pod broj dva, hajmo mi kao građani prozvati komšiju koji ne plaća a ne svi šutimo a on donosi uz našu kantu iz kuće donese i stavi svoje smeće,svi mi to vidimo i svi mi to znamo,hajmo ga javno prozvati,hajmo dostaviti javni dopis.Druga stvar,ne radi ni inspekcija il već ko treba raditi svoj posao garant, jer da rade svoj posao bilo bi prekršajnih naloga.Ili će platiti kaznu za pet godina znači unaprijed smeće,pa sljedeći mjesec opet će platiti,ili ne znam sad zakon o prekršaju za jedan prekršaj jel se može dva put plaćati nisam siguran ili može samo jednom,ali tada ga prvi put treba maksimalno kazniti pa neka se on žali sudu.Ima tu još načina,hajmo se svi uključiti u diskusiju i hajmo pomoći ,možda možemo danas donijeti neki zaključak ne moramo mi danas usvojiti to,ali hajmo neki zaključak svi donijeti kako da unaprijedimo prihode komunalnog preduzeća.Sljedeća stvar,ja mislim da je javna rsprava završena za ove Odluke.Ja mislim da ništa nije došlo,prijedlog,sugestije,komentar na tu Odluku,koliko ja znam al vidjet ćemo na Komisiju kad dođem.Evo kažem hajmo se svi uključiti,ako je zakazao sistem hajmo odgoditi za sljedeću sjednicu pa da vidimo gdje je zakazao sistem i da prisilimo ove što ne plaćaju da plaćaju a u sistemu su za odvoz smeća.Faktički oni ako ne plaćaju a njima se odvozi ,onda je tu direktan gubitak.Postoji li mogućnost da radnici ostave ispred kante ili da je ne odvezu ne znam ni ja pa da po tome znaju ko ne plaća,krenuti od Grada pa nadalje.Hajmo naći način,vidite mi moramo neki način naći.Vjerovatno je najteže u gradu gdje se živi u zgradama i gdje je jedna kanta za više korisnika i po meni možda tu ima problema ali hajmo naći modus.Ako ne možemo danas o glasanju te dvije marke gore dole to je neupitno,ali hajmo pokušati naći na drugi način kako da povećamo prihode sa postojećim korisnicima.Je li to treba kažnjavati,je li to treba na stub srama što bi rekli, prozivati javno ko ne plaća da se zna.“

### **Demir Milkić:**

„Još samo jedno pitanje.Šta ako mi danas ne usvojimo ovu Odluku i kakve posljedice možemo očekivati?Evo jedno konkretno pitanje?“

### **Direktor JP „Komus“ Gračanica Senad Memić je odgovorio na pitanja:**

„Evo ja ću malo naopako pa prvo da odgovorim Demiru.Član 21. stav 6 kaže:ukoliko se cijena usluge od strane Gradskog vijeća u nižem iznosu od stvarne cijene koštanja razliku sredstava će nadoknaditi Grad,konkretan odgovor.Što se tiče uključenosti evo generalno odgovaram svima.Mi smo najviše zainteresovani da je 100% ljudi uljučeno,mi JP „Komus“,mi bi najviše volili da svi ti ljudi plaćaju.Znači u tom momentu mi bih imali maksimalan prihod koji možemo imati ovdje ali to nije do nas i shvatite da je to vaša uloga.Odluka o komunalnom redu je bila na javnoj raspravi i ja sam bio ovdje ispred JP „Komus“ i ja nisam vidieo više od tri vijećnika,mislim ne znam da li je i tri bilo.Bili su ribari bio je „Komus“ i evo dva,tri vijećnika i ova ekipa ovdje koja je vodila javnu raspravu,nisam vas vidjeo tu.A Odluka o komunalnom redu gospodo i vi možete zabraniti ljudima da neće



dobiti geometra iz gradske uprave, neće te mu izdati građevinsku, ne može podnijeti zahtjev za urbanističku, ne dajte, alati su u vašim rukama nisu u „Komusa“ shvatite, mi smo se pojavili s onim s čim operišemo. Mi smo bili u Ministarstvu više puta zajedno sa Dženanom i mislim da je Nihad bio „ja pisao amadmane, bili na razgovoru kod Ministarstva i poenta je član 15. i član 16. zakona koji je rekao, da s korisnikom usluga morate sklopiti ugovor i to je najveća smetnja. Mi bi najviše volili da ne morate sklopiti ugovor i čovjeku samo pošaljete račun, pa bujrum il iznesi il nemoj pa ćeš ti dobivati račun jer nema domaćinstva koje ne stvara smeće ali ne možemo jer nam to zakon brani. Pokušavali ga promijeniti zakon iz 2005 godine koji je četrnaest godina već na snazi i pokušavamo ga promijeniti i ne možemo. Mi smo sa 9.500 hiljada ljudi sklopili ugovor i to je zaista ogroman posao bio. Vodu hoće svi, struju hoće svi i internet hoće svi i kablovsku hoće svi a smeće ba neće niko, neće niko jer to mu je trošak što bi. Ima malo tamo komšiji, ima malo šuma, ima malo kad krene dole u Gračanicu onaj tamo kontejner na pijaci, pa mi kad dođemo u ponedjeljak a ono tamo šest kontejnera okolo i tako, ljudima je to trošak bezvezni. Mi smo promijenili svijest, mi smo dovodili ovdje pozorište koje je djeci igralo predstavu o odvajanju otpada, dijeli letke, svašta radili da bih došli do ovoga nivoa gdje smo sad. Od vas samo tražimo da utvrdite ekonomsku cijenu koštanja odvoza i deponovanje otpada, ekonomsku cijenu. Sve što je ispod te cijene znači da više nije moja odgovornost kao direktora. Odgovornost je na vama, kako i šta ja zaista ne bih u to ali se vraćam na uključenje, mi smo najviše zainteresovani da svi plaćaju smeće ali nije to 35% ostatka ljudi koji ne plaćaju jer taj procenat je znatno manji jer nema toliko ljudi, a koliki je evo o tom potom. Ne može ta razlika ljudi koji ne plaćaju, ne može namiriti razliku ovamo i to je čitava poenta. A vjerujte da su unutrašnje rezerve firme maksimalno iscrpljene i ono što smo mogli uraditi do sada smo uradili i mislim a i to je vaš stav da ste bili zadovoljni s nivoom koji jest. U cijenu ovo što je Vahidin pitao jeste prijevoz do Doboja i može podnijeti ova cijena, ali samo deponovanje na deponiji ne može jer deponovanje otpada je obaveza Grada i tako je u Gradačcu, tako je u Srebreniku i to će sutra budžet Grada Gračanica opteretiti sa dodatnih 200.000 KM do 250.000 KM to budite spremni i vama će se to pojaviti za godinu il dvije. Mi smo projekat sanacije deponije završili, sanacija deponije predračunska vrijednost je 7 miliona i to će vas sutra dočekati, to su cifre koje su u projektu i koliko će to izaći ja ne znam a to je nešto što će sutra biti pred vama. Ovdje sad pričamo o opstanku JP „Komus“ odnosno o radu u narednom periodu. Kako voditi te procese, sanacije deponije ako imate probleme u firmi koji se odnose na samo poslovanje i nećemo biti spremni za to i ja vas zaista molim da podržite ovu Odluku.“

U ime Kluba SDA Hasan Puškar je zatražio pauzu u trajanju od 10 minuta.

**Nihad Krajinović, Predsjedavajući Gradskog vijeća je pročitao zaključak o zahtjevu JP „Komus“ koji glasi:**

„Daje se saglasnot JP „Komus“ d.o.o. Gračanica na Odluku i načinu obračuna i visinu cijene usluge sakupljanja i odvoza kućnog otpada broj:01/3-972/19 od 30.08.2019.godine. Zaključak stupa od dana objavljivanja u službenom glasniku Grada Gračanica.“

Za zaključak o zahtjevu JP „Komus“ d.o.o. Gračanica glasalo je 13 vijećnika „ZA“, 6 vijećnika „PROTIV“ i 8 vijećnika „SUZDRŽANI“.

Vijećnik Dino Dedić je u ime Kluba S BiH izrazio sumnju za glasanje na Odluku o načinu obračuna i visini cijene usluge sakupljanja i odvoza kućnog otpada JP „Komus“ d.o.o. Gračanica.

Prešlo se na poimenično izjašnjavanje:

- 1.Krajinović Nihad (ZA)
- 2.Sulejmanović Osman (ZA)
- 3.Topčagić Mirzet (ZA)
- 4.Hasić Ibrahim (ZA)

- 5.Smajlović Vahidin (ZA)
- 6.Bajrić Vahid (ZA)
- 7.Hadžić Mirsad (ODSUTAN)
- 8.Milkić Demir (ZA)
- 9.Šakušić Ahmet (ZA)
- 10.Muslimović Adnan (SUZDRŽAN)
- 11.Puškar Hasan (SUZDRŽAN)
- 12.Devedžić Almedin (SUZDRŽAN)
- 13.Mujkić Mirsad (SUZDRŽAN)
- 14.Ahmetović Halid (SUZDRŽAN)
- 15.Alihodžić Nermina (SUZDRŽAN)
- 16.Dizdarević Kemal (ODSUTAN)
- 17.Džebo Senahid (SUZDRŽAN)
- 18.Hadžić Nejra (SUZDRŽAN)
- 19.Jukan Džemal (ZA)
- 20.Dedić Dino (PROTIV)
- 21.Šehić Edin (PROTIV)
- 22.Saša Operhal (PROTIV)
- 23.Omerović Muhamed (PROTIV)
- 24.Džananović Mirza (PROTIV)
- 25.Ibrišević Edin (ZA)
- 26.Ibrišević Alen (ZA)
- 27.Mešić Fadil (ZA)
- 28.Aljić Adem (SUZDRŽAN)
- 29.Avdzić Arnes (PROTIV)
- 30.Mujić Alen (ODSUTAN)

Rezultat poimeničnog glasanja,12 vijećnika „ZA“,6 vijećnika „PROTIV“ i 9 vijećnika „SUZDRŽANO“.

Zaključak o zahtjevu JP „Komus“ d.o.o. Gračanica nije usvojen.

#### **TAČKA 4 DONOŠENJE RJEŠENJA O RAZRJEŠENJU PRIVREMENO IMENOVANOG ČLANA UPRAVNOG ODBORA U JZU „GRADSKA APOTEKA“ GRAČANICA.**

##### **Gradonačelnik Nusret Helić:**

„Evo ako se sjećate na prošloj sjednici Vijeća smo skinuli ovu tačku dnevnog reda jer se smatralo da postoji Odluka kantonalne Vlade da nema nikakvih imenovanja.Došli smo do zaključka koji je Vlada donijela i ne odnosi se na ova imenovanja „samo se odnosi na zapošljavanje bilo to privremeno ili stalno u kantonalnim organima i zbog toga predlažem da ovo rješenje koje je sad predloženo, razrješenje dosadašnjeg člana Amira Azapagića i da se imenuje Mustafa Bašić.Zaključak je tu i treba da vidite po proceduri koja je sprovedena popunjava se upravni odbor u ime Vlade a predlaže se Bašić.“

Nije bilo učesnika u diskusiji i razrješenje privremeno imenovanog člana upravnog odbora u JZU „Gradska apoteka“ Gračanica je prihvaćeno sa 25 vijećnika „ZA“ i 2 vijećnika „SUZDRŽANA“.

#### **TAČKA 5**

**DONOŠENJE RJEŠENJA O IMENOVANJU ČLANA UPRAVNOG ODBORA U JZU „GRADSKA APOTEKA“ GRAČANICA IZ REDA MINISTRARSTVA ZDRAVSTVA TK.**

Nije bilo učesnika u diskusiji i rješenje o imenovanju člana upravnog odbora u JZU „Gradska apoteka“ Gračanica je prihvaćeno sa 25 vijećnika „ZA“ i 2 vijećnika „SUZDRŽANA“.

**TAČKA 6**

**RAZMATRANJE I USVAJANJE IZVJEŠTAJA O REALIZACIJI PROJEKATA LOKALNOG AKCIONOG PLANA ZAŠTITE ŽIVOTNE SREDINE GRADA GRAČANICA (LEAP) ZA 2018.GODINU.**

Nije bilo učesnika u diskusiji.

**Nihad Krajinović, Predsjedavajući Gradskog vijeća je pročitao zaključak o Izvještaju realizacije projekata lokalnog plana zaštite životne sredine Grada Gračanica (LEAP) ZA 2018.godinu koji glasi:**

„Usvaja se Izvještaj po realizaciji projekata lokalnog plana zaštite životne sredine Grada Gračanica (LEAP) za 2018.godinu koji će stupiti na snagu dana objavljivanja u službenom glasniku Grada Gračanica.“

Zaključak o Izvještaju realizacije projekata lokalnog plana zaštite životne sredine Grada Gračanica (LEAP) za 2018.godinu je usvojen jednoglasno.

**TAČKA 7**

**RAZMATRANJE I USVAJANJE IZVJEŠTAJA O PRIMJENI ZAKONA O USLOVIMA I POSTUPKU LEGALIZACIJE BESPRAVNO IZGRAĐENIH GRAĐEVINA.**

Nije bilo učesnika u diskusiji i Izvještaj o primjeni zakona o uslovima i postupku legalizacije bespravno izgrađenih građevina je jednoglasno usvojen.

**TAČKA 8**

**RAZMATRANJE I USVAJANJE IZVJEŠTAJA O RADU GRADSKOG VIJEĆA GRAČANICA I RADNIH TIJELA (KOMISIJE) OD 01.01.2019.-30.06.2019.GODINE.**

Nije bilo učesnika u diskusiji i Izvještaj o radu Gradskog vijeća Gračanica i radnih tijela (Komisije) od 01.01.2019.-30.06.2019.godine je jednoglasno usvojen.

**TAČKA 9**

**RAZMATRANJE I USVAJANJE IZVJEŠTAJA O KOMUNIKACIJI VIJEĆNIKA I GRAĐANA PUTEM „GRAĐANSKOG SATA“.**

Nije bilo učesnika u diskusiji i Izvještaj o komunikaciji vijećnika i građana putem „Građanskog sata“ je jednoglasno usvojen.

**TAČKA 10**

**RAZMATRANJE INFORMACIJE O STARIM I IZNEMOGLIM LICIMA U STANJU SOCIJALNE POTREBE NA PODRUČJU GRADA GRAČANICA.**

**Jasminka Begović, Direktorica Centra za socijalni rad:**

„Samo kratko da vezano za ovu Informaciju.Prema posljednjem objavljenom podatku Federalnog zavoda za statistiku na području Grada Gračanica živi 6.812 starih lica,znači lica stariji preko 65.godina.Vidjeli ste u Informaciji da od ovog broja 1.047 lica sa 30.08.2019.godine uvedena su u neka od prava po osnovu Federalnog il Kantonalnog zakona.To je naravno nedovoljan broj,kada kažem nedovoljan broj mislim na priznavanje prava na novčanu naknadu po bili kojem pravu.Veće ingerencije Centar za socijalni rad ima kao organ starateljstva kada je u pitanju porodično pravna zaštita a to je zaštita starih lica i ne samo zastupanja kad su upitanju administrativna rješavanja određenih stvari,nego po zastupanja i putem suda,putem javnih ustanova i drugih subjekata.Gdje god se pojavi problem kada su upitanju imovina i zaštita starih lica ali normalno moraju biti ispunjeni i ostalih uvjeti a prije svega mora biti volja starog lica da prihvati zastupanje i zaštitu organa starateljstva,bilo kada su u pitajnu najbliži odnosno njihova djeca.Kada je u pitanju rad Centra sve više imamo potrebu i radimo na tome da se više približimo savremenim oblicima zaštite stariji lica a to znači oblast kućne njege,ulazak u porodice starog lica,obezbjeđivanje lijekova,podizanje lijekova,korištenje terapije,peglanje,održavanje higijene u kući itd. Normalno da je to jako teško uvezati samo socijalnom radu,nego nastojimo u narednom periodu uvezati više i zdravstvenu zaštitu i penzijsku invalidsku zaštitu kako bih ova tri segmenta bila dovoljna da zaštitimo stara lica.Vidjeli ste dalje u Informaciji ono što smo dobili i ono što smo obezbjedili nije dovoljno bez obzira što se starim licima osim tuđe njege,osim lične invalidnine,stalne novčane pomoći,jednokratne pomoći,paketi, itd. Raznim donacijama i to nije dovoljno i vjerujte da među starim licima ima i najveći problem za ona lica koja su nepokretna,prikovana za postelju pa im prije hrane treba higijenski materijal a vi znate šta to znači i kolika je to stavka.Tako da i ovi korisnici koji su uvedeni u pravo i imaju novčanu naknadu i 403 KM i 600 KM za higijenski materijal troše i po 400-500 KM a da ne govorim o ostalim potrebama.“

Učesnici u diskusiji:

### **Edin Šehić:**

„Ja se zahvaljujem direktorici za ovu Informaciju i zaista je sveobuhvatna.Samo bih zamolio ukoliko je moguće a možemo i naknadno to dobiti tabelarni prikaz po MZ starih i iznemogli lica u stanju socijalne potrebe,korištenje nabrojanih prava na dan 31.08.2019.godine,ne tražim poimenično ali tražim brojke.Dakle stalna novčana pomoć,novčana naknada po osnovu tjelesnog oštećenja organizma,jednokratne novčane pomoći,smještaj starih lica u ustanove socijalne zaštite koji ide na trošak Ministarstva,smještaj u drugu policu što ide na trošak Centra za socijalni rad i zdravstveno osiguranje.Dakle samo jedan tabelarni prikaz koliko imamo u svakoj MZ po ovim pravima,pa ako može da nam se dostavi uz zapisnik za slijedeću sjednicu.“

### **Edin Ibrišević:**

„Prije svega ja bih želio da pohvalim rad Centra za socijalni rad Gračanica i smatram da oni daju jedan maksimum spram mogućnosti sredstava s kojima raspolažu i odrađuju taj posao kvalitetno.Ono što bih ja predložio a to je da se doda to jest u okviru ovog zaključka da se stavi naše nastojanje i mislim da u narednom periodu trebamo kao i Vijeće i kao lokalna zajednica postupiti odgovorno i ići na formiranje ustanove koje bih se brinula o starim iznemoglim licima jer vidimo kakvo je sad trenutno stanje i sve veći je broj starih ljudi u našem gradu i nakraj krajeva svi ćemo mi na kraju dočekati nadam se starost,a sve je manje mladih ljudi koji odlaze u potragu za poslom.Naravno nisam ovdje mislio, da ne budem pogrešno shvaćen,da to sufinansira Grad nego da se pokuša nešto kroz javno privatno partnerstvo ili kroz pronalaženje nekog strateškog partnera koji bi to pokrenuo da radi na ekonomskoj osnovi.“

Zaključena je rasprava.

Sjednica je završena u 15,10 sati.

**ZAPISNIK VODIO**  
**Iljazović Hazim**

**PREDSJEDAVAJUĆI**  
**GRADSKOG VIJEĆA**  
**Nihad Krajinović**